



FAUFAUTUA FA'AEVAGELIA: LEGAVIA

Iuni 2021

O se mataupu silisili e uiga i le talitonuga a le Ekalesia iā ia lava o le malamlama'aga lea i le vala'au aoao i le pa'iaga o lo'o maua'a i le folafolaga a Sagato Paulo i le muamua Tesalonia "o le finagalo fo'i lenei o le Atua, ia fa'apa'iaina outou (4: 3). Ua iloatino e le Ekalesia o le mauaina o le 'pa'iaga' lava ia o se mealofa mai le Atua, e mafai ona sa'ililia e ala i le ooopoina o 'faufautua fa'aevagelia' o le mativa, legavia ma le usita'i. O nei 'faufautua' ua malamalamaina lelei i le va feagai ai i vituti. Ma o vituti ua malamalamina lelei o ni amioga, e pei ona fa'amatalaina e Tomasi Aquinas. O amioga o ni tū ma ni āga po'o ni amio ua a'oa'oina lelei. E fa'apea fo'i le legavia – o se ala e ola ai ua a'oa'oina pe na mauaina mai.

I le Galuega a le Au Apostolo ua aumai ai e Luka se āta fiafia o le olaga Kerisiano na masani ona ola ai: Ua fa'atasia fo'i ē ua fa'atuatua uma lava, ua tu'u tele a latou mea uma lava. Ua fa'atau atu fo'i o latou fanua ma oloa, ma ua tufutufa le tau o ia mea i tagata uma (Galuega 2: 44 – 45). O le matagofie o lena āta o le agalelei ma le sa'olotoga na ō fa'atasi ai. O se vaega o le tu masani a le faufautua fa'aevagelia o latou fo'i o ni fa'aaliga tonu o le agalelei ma le sa'olotoga, ma sa va'aia pea lava i tū ma āga masani Kerisiano i Kerisiano i Sasa'e ma Kerisiano i Sisifo. Legavia, e pei o isi faufautua fa'aevagelia, ua fa'amaopo i le sa'olotoga ma le agalelei o se tali i le āgalofa maoa'e a le Atua o lē ua vala'auina afafine ma atali'i a le Atua i le sa'olotoga o le avea ma tasi iā Keriso.

Atonu e ao fo'i ona maitauina o lo'o i totonu o tusitusiga pa'ia le ifo i tupua, se tasi o soligātulafono tele aga'i le fa'atuatua – o le faia o nisi atua i lō le Ali'i – e masani ona fa'amatalaina i tulaga tau le faita'aga (Hosea 1: 2 o se fa'ata'ita'iga, ae o lo'o i ai fo'i nisi o fa'ata'ita'iga mai perofeta). I le Feagaiga Fou o lo'o manino lelei mai i tusitusiga a Sagato Paulo o Kerisiano o lo'o ola ai i se lalolagi o lo'o salalau ai le faita'aga cf. 1 Korinito 5: 1, 6: 15)

ma sa umia e Paulo se manatu e lē talafeagai ma le fa'atuatua iā Keriso.

O tū masani o le tu'usaunoaina e mafai ona va'aia i le fa'atuatua i le Atua ma le fa'amaoni i le Ali'i ua fa'aalia fo'i i le faita'aga – i le legavia. O tapua'iga a maletile anamua na vi'ia, aemaise i auala, latou na maletile taupouina (o lo'o i ai se lisi o maletile nei mai le ekalesia Roma i le Ulua'i Tatalo Eukalsitia). O la latou tāua o ni molimau (maletile) i le fa'atuatua ua fa'ailoa mai e pei ona ta'ua i luga e ala i la latou taumaūga i le Atua, lo latou tulaga taupou o le molimau o lo latou fa'apa'iina atoatoa i le Ali'i. I lenā manatu o le legavia e lē manatu i le tulaga fa'aletino o se tagata ae o lona uiga o le taumaūga atoatoa i le fa'atuatua. E fa'apea fo'i le 144, 000 o fa'auō a le Tama'i Mamoe i le Tusi o Fa'aaliga (14: 1 – 5) ua fa'amatalaina o ni taupou, ae o lo'o manino mai le tusitusiga o lo latou tulaga o ni toega fa'amaoni na sau mai lo latou fa'amaoni i taimi o fa'asauāga ma le tu'utō i le Ali'i.

Legavia e lē o se fili po'o se faita'aga fa'afeagai. Levagia ua lē fa'atapula'a mo latou ua fa'amaopo maia le olaga taupou; o Kerisiano uma ua vala'auina e mauaina le olaga levagia o se tu'u fa'atasia o la latou olaga fa'afeusua'iga ina ia 'aua ne'i avea se tasi o se tagata na vavae'eseina pe ua tu'u'eseina e lona faita'aga ma lona tulaga fa'aleagaga, ae ia maua se auala o le i ai i le lalolagi o lo'o tu'ufa'atasia ai nei vaega e lua i se atoaga. I lenei manatu o le legavia o se ala lelei atoatoa ua vala'auina e Keriso: O lenei ia atoatoa ona lelei o la outou amio, e pei o lo outou Tamā o i le lagi e atoatoa ona lelei o ia (Mataio 5: 48).

Le Atua e, na e finagalo o le kalasia o le Papatisoga e tatau ona olaola lelei i au 'au'auna nei, ina ia latou taumafai e mulimulita'i i tulagavae a lou Alo, aumai, matou te tatalo atu ai, i le sa'ilili'i pea o le lelei atoatoa fa'aevagelia, ina ia latou fa'aopopo i le pa'iaga o lou Ekalesia ma fa'ateleina lana ma'elegā fa'aaposedolo (Vala'au mo Galuega Tumau).

AFOGA KATINALE JOHN DEW

Kia tau te rangimārie ki a koutou

I nai vaiaso ua tuana'i atu sa fa'aauau ai le a'oa'oga a Pope Faranisisi i tatalo sa faia mo ni vaiaso i lana Fa'apotopotoga Masani i Aso Lulu. Sa ia talanoa mai i le tatalo tomanatunatu ma fa'apea mai:

"O mea uma e sau mai ai; mai le loto ua lagonaina o lo'o va'ai mai i ai ma le alofa." Sa ia fa'alaua'itele o le tatalo mai le loto e le mana'omia le tele o upu, ma o le va'ai mai a lesu ua lava lea e fa'atalitonu ai o tatou olaga o lo'o si'osi'omia i tatou e se alofa tele ma le naunauta'i e leai se isi mea e mafai ona ave'ese mai ai ma i tatou.

I nei upui e 'ese le malolosi, ma o nai aso mulimuli mai ai a o ou tapena mo se tautalaga e fai mo ni vaiaso i luma atu, sa ou mafaufau ai i tua i tusitusiga na faia e Pope Faranisisi i le tolu tausaga talu ai ua fa'aigoaina *Gaudete et Exsultate* "Fiafia ma Olioli." O lenei tusitusiga e fa'ataua i le vala'u a le Atua iā i tatou i aso nei ina ia tatou ola ai i le pa'iaga. I se tasi o vaega sa ia tusia ai ni uiga se lima tatou te mana'omia ina ia ola ai i le pa'iaga, fa'alatalata ai i le Atua i o tatou olaga i aso ta'itasi. O lenei vaega o le Gaudete et Exsultate ua ta'ua "O le Tatalo Fai Tumau."

Ou te fa'asoa ma outou nisi o upu a Pope Faranisisi, upu ua lu'itauina ai i tatou ma fesoasoani iā i tatou i lea aso



ma lea aso e fa'aalu se taimi ma le Ali'i ma ola ai i le pa'iāga, ma sa ia tusia e fa'apea:

"Ou te lē talitonu i le pa'iāga e aunoa ma tatalo, e ui lava o le tatalo e lē tatau ona umi pe'a a'afia ai ni lagona malolosi."

"O ni taimi ua na o 'oe ma le Atua ua tatau."

"O tatalo ua fa'atumulia e le fa'atuatua o se tali a le loto ua tatala atu i le fefasaga'iga ma le Atua, le nofoaga e maua i ai le to'afilemū ma le fimālie ma ole leo o le Ali'i ua mafai ona lagonaina i totonu o le pāganoa."

Mo so'o ta'ito'atasi, e tatau ona fa'aalu se taimi ma le Ali'i, e fa'alogo ai i ana upu, ma a'oa'o mai ai i ona ala. Vaganā ua tatou fa'alogo, o a tatou upu uma ole a leai se uiga ae ua na o se pisapisa ī."

O aso uma e mafai mo i tatou ona fa'alogo i upu a lesu "Tumau i lo'u alofa." A tatou fa'alogo i nei upu, ona o la tatou te taumafai e tatalo pea o le a tatou fa'alogoina le pupula a lesu o lo'o va'ava'ai mai iā i tatou ma le alofa.

Fa'amaniuiaga uma mo outou

Nāku noa. Nā

+ Ioane

O LE TINO MA LE TOTO PA'IA O KERISO (CORPUS CHRISTI SUNDAY – 6 JUNI)

E maofa toe matagofie le Fa'atuatuaga Katoliko! Ua ofoina mai e Buddha ana a'oa'oga atamai iā i latou e mulimuli iā te ia. Ua tu'uina atu e Muhammad ana fa'aaliga na tu'uina atu iā te ia iā i latou e tapua'i iā te ia. O Confucius na pasi atu i ana aufautua ni faiga o ni amioga lelei e lavelave sa ia fausiaina. O Mose na sau mai le mauga ma aumai le Tulafono sa ia taliaina mai lugā.

Ae o lesu na aumaia, ofoina mai, tau'ave ma tu'uina mai...o ia lava. I le po i luma atu o ona puapugatia, sa ia fa'apotopoto ai i le laulau o le paseka ma ana Apostolo e to'asefulu ma le to'alua. Ona tago ai lea ile falaoa ma fai atu, O lo'u tino lenei, ma si'i a'e le ipu, ma fai atu, O lo'u toto lenei o le feagaiga, o le a fa'amaligiina mo le to'atele. Sa ia avatua iā i latou, e lē o se a'oa'oga, po'o se malamalama fa'aleagaga, ae o

iona tagata. Ole mafua'aga lea o le Fa'atuatuaga Kerisiano e lē o se vaega, fa'asino i le a'oa'oga po'o le savalia o se auala fa'atalitonuga, ae o le 'a'ai ma feinu i le Tino ma le Toto o lesu. Ae o le faiga'ai masani, o mea 'ai ma mea inu ua tu'u fa'atasia e lē o lo'o tausamia ia mea'ai, ae o lenei tulaga uiga 'ese o lē o lo'o 'ai ua tu'ufa'atasia ma le mea ua 'ai.

Mai lenei moni Fa'aeukalisitia, o Tamā o le Ekalesia ua latou aumai ai se a'oa'oga matagofie o le Atua. O tatou o so'o e lē na o na mulimuli iā lesu; ua avea i tatou ma lesu, au ai fa'atasi e ala i lona natura, atali'i ma afafine i le Alo. O lenei a'oa'oga, e tutusa lelei lona fa'atusa malosoi ma le lagona fa'asolo, o le autū o a tatou tomanatunatuga i lenei sulufaga o le Tino ma le Toto o lo tatou Ali'i.

O AI LO'U TINĀ I se tasi o mea na tupu a o faia le galuega ‘au’aura a lo tatou Ali’i, na o atu ai lona tinā ma ona aiga iā te ia a o talanoa i le motu o tagata. Ina ua fa’alogo o lo’o manana’o lona aiga e talanoa atu i ai, na fesili lesu: o ai lo’u tinā ma o’u uso? Ona liliu atu lea i ona so’o ua fa’apea atu: o o’u tinā ma uso ia. O ai e faia le finagalo o le Atu, o lenā tagata o lo’u uso ma lo’u tuafafine ma lo’u tinā.

O nei upu a lesu o le tali atu i lona tinā na fuafuaina e fa’amatala ai la tatou mafutaga ma ia o se fa’aleagaga lea, ae lē fa’amoemoe i se so’otaga fa’aleaiga. O le mea sili mo tatou o le faia lea o le finagalo o le Tamā. Na malamalamā lelei Maria i lenei moni, ma o upu a lona Alo ua fa’amausalī lona fa’anaunauga e tu’u atu atoa o ia ma le alofa tele ina ia fa’ataunu’uina le finagalo ole Tamā e ui o lona uiga o le faiatulaga. O lea ua a’oa’o mai Maria iā i tatou o le alofa moni mo le Atua le Tamā ma mo lesu lona Alo e masani ona a’afia ai le usita’i atoatoa i le finagalo mamana.

FA’ATAUNU’UINA O POLOA’IGA A IESU O le agaga ua fa’amamaluina e mealofa e tolu, ma o le tino e fā. O le agaga ua fa’amatagofieina e le atamai, fa’auō ma le maliega. O le atamai o le Atua o lo’o atagia mai i foliga o le agaga: ua tatou iloa, pe a fa’ali mai o ia, ona foliga ai o i latou iā te ia, auā tatou te iloa tino ai lava o ia (cf. 1 Ioane 3: 2; 1 Korinio 13: 12) O le a i ai le fa’auō ma le Atua; e pei ona fai mai lea o Isaia: o lē ua i Siona lana afi ma lana ogāumu ua i Ierusalem (Isaia 31: 9).

O Siona o le fitafita Ekalesia, le ogāumu o le alofa finafinau, ma Ierusalem o le Ekalesia manumalō. O le a i ai le nofo lelei ma tuā’oi, o latou mamalu o le a ia olioli i ai e pei o ana lava. O mealofa o le tino e fa le aofa’i: susulu, ma’aleale, gaioi ma le tino e ola pea, o la e fai mai ai le Tusi o le Poto:

E fepulafi o ē amiontonu (susulu)

e ‘emo’emo i latou e pei o le afi (ma’ale’ale)

e sosolo i le vao utuutu (gaioi)

e fai lo latou Atua ma tupu e fa’avavau (tino e ola pea)

“Ona o le Atua, e lē o se Atua ia o ē ua otī, a o ē ola”
(Mataio 22: 32)

Ina ia tatou ona tatou taliaina lenei pale e lē pala, ua teuteuina i nei ma’ā tāua e fitu, ia tatou taufetuli e pei ona ofoina mai e Apostolo: “Tou te lē iloa ‘ea, o ē

O le sagisagi a Maria e tu’uina atu o ia lava ile Ali’i ua maua ai se fa’aliga loloto ile taimi o le Fa’aliga, ina ua tali atu i le fe’au a le agelu sa ia folafola atu: O a’u nei ole ‘au’aura a le Ali’i. la faia iā te a’u e pei ona fai mai ai.

E mafai ona tatou fa’apea ane e ala i le ofoina atu atoatoa e Maria o ia lava i le taimi o le Fa’aliga ua avea ai o ia ma o tatou fa’ata’ita’iga, o tatou ta’iala, ma o tatou Tinā. Na fa’ailoa mai e le Fonotaga Lona Lua a le Vatikano le tulaga a’oa’oina: ‘O le faileleina o Maria i le fa’asologa o le kalasia na amata i le ioe na avatu i le fa’atuatua i le taimi o le Fa’aliga ma sa ia lagolagoina e aunoa ma le fa’avaivai i lalo o le koluse. O lenei matua fa’atinā o le a tumau e aunoa ma se fa’aalavelave se’ia o’o i le fa’ataunu’uina e fa’avavau o latou uma na filifilia.’

O le alofa o le Ali’i e moni mo tatou ta’ito’atasi...O le alofa e leai ni tu’utu’uga e fa’atagata, ma e va’ai manino lelei i auala e tele ua ia fa’amanuiaina ai i tatou.

tausiniō i le ala tanu, e tausiniō uma i latou, ae maua le taui e le to’atasi. la fa’apea ona outou tausiniō, ina ia outou maua. O i latou uma o ē faigofie e fai fa’atatau i mea uma lava; o i latou fo’i ua latou fa’apea ina ia maua le pale palagofie, a o i tatou, ina ia maua le pale e lē pala lava “(1 Korinio 9: 24 – 25).

O se ala tanu o lona valu o le vaega o se maila, ma e ‘aafia ai le selau ma le luasefulu lima sitepu. O lo’o fa’ailoa mai ai le mafatia o lenei fa’aanu’ua, e tatau ona tatou uia fa’atasi i le fa’atuatua, ma sitepu o le alofa e selau ma le luasefulu lima lona aofa’i. O lenei numera ua fa’ailoa mai ai le lelei atoatoa o le alofa mamana. O le “selau” o le numera atoatoa, o le a’oa’oga a le Evagelia; “luasefulu” o mataupu laua’itele o le Tulafono, e ao ona fa’ataunu’uina e pei ona aumai e le tusi ma le agaga; “lima” e ao ona malamalamaina o se taofiofiga o tu’inanau o lagona e lima. O le tamo’e i le ala tanu e talia le fa’ailoga, o le taui o se pale e lē pala, o lo’o fai mai ai le Apokalifa: la e fa’amaoni se’ia o’o i le oti, ona ou avatu ai lea iā te oe o le pale o le ola (Fa’aliga 2: 10)

Ia tatou tatalo ma ole atu i le Ali’i, le Ali’i na faia ma toe faia i tatou i lona lava toto; tatou tatalo ina ia toe fuafuaina e toe fa’avaeina i tatou i le manuia e fa’avavau e fa’afitu ni fitu.

O LE FANAU MAI O IOANE LE PAPATISO (IUNI 24)

O SE TASI O FA'AMANATUGA Kerisiano ua leva tele, o le aso Fanau o Ioane le Papatiso, na fa'apa'iaina i le manava o lona tinā, ua fa'ailogia ai se taimi tāua o le tausaga. E ono lelei masina talu mai le Fanau o Keriso, o lenei aso mamalu fa'atasi ma le Kilisimasi ua maua ai se uiga fa'akerisiano i le taumafanafana ma le taumalulū – (po'o le taimi e lē gaioi ai le lā) e o gatasai i le mae'a o le fanau mai o le Papatiso, e fai ifo ai le la. E ao ina tupu pea o ia; peita'i a'u nei, e tauāu ina itiiti o a'u (Ioane 3: 30). I le mae'a ai o le fanau mai o Keriso, na toe susulu mai ai le malamalama. Le vaega fa'atafa'ilagi a le kalena a le Eklesia na aumaia se fe'au: ua fa'ailoa mai ai o le natura atoa o lo'o a'afia i le tala fa'asolopito o le fa'aolataga. Ina ua avea lo tatou Ali'i ma tagata, sa ia faia se'ia taunu'u i se taimi. O taimi uma, ma fetū uma, ua ta'avavale fa'atamilo iā ia, le Lā fa'aleagaga.

I le Eklesia Orthodox, ua iloaina Ioane o le na muamua mai, ma o lana fa'ailogia e masani ona fa'ailoaina o se tagata fai'apa'au e lavalava lelei (o le 'au tusi Evagelia e to'afa e masani fo'i ona fa'ailoaina e i ai apa'au). Ua fa'aaloaloina Ioane o se ituiga o Agelu, ona o le upu "agelu" o lona uiga "ave fe'au" ma o Ioane o se tasi o nei tagata – se tasi o perofeta ta'uta'ua ma mulimuli o le Feagaiga Tuai, vala'auina Israuelu e salamō, ma le Tala'i o le Fou. Ona o ia e Papatisoina, ta'ita'ia tagata e ala atu i le vai, o ia o le Noa fou. I le agaga ma le mana a Elia sa ia a'oa'o le fa'amasinoga a le Atua ma fa'asa'osa'o ala pi'opi'o mo le sau o le Ali'i. Ona o le uō a le fa'atoā Faiavā sa maitauina ma fa'aulufale mai lona Ali'i i le fiafiaga sa lagonaina i le manava ina ua latalata mai le Tinā o le Atua.

O SAGATO PETERU MA SAGATO PAULO (ASO 29 IUNI)

O Tamā o le Eklesia e fiafia tele e fa'atusatusa Apostolo nei o Sagato Peteru ma Sagato Paulo o poutū e lua o ni fa'avae atina'e ai e le Eklesia lana talitonuga ua va'aia nei. O la'ua uma na fa'amausalīina i o la'ua toto la molimau ia Keriso i le tala'i ma 'au'auna atu i fa'apotopotoga Kerisiano fa'ato'ā 'amata...

O le Tusi o Galuega a le Au Apostolo (cf. 12: 1 – 11) ua fa'amatalaina mea na tutupu i le fa'afalepuipuiina ma le toe fa'asaoina o Peteru. Sa ia malamalama i le inosaina o le Evagelia i Ierusalem, le nofoaga sa falepuipui ai o ia e le Tupu o Herota, ina ia fa'asauā i ai, ma tu'uina atu i tagata (cf. 4). Ae sa lavea'ina o ia fa'avavega ma sa mafai ona fa'auau lana misiona fa'aevangelia, muamua i le Nu'u Pa'ia ona soso'o ai lea ma Roma, tu'uina atu atoa lona malosi i le 'au'aunaga i le fa'apotopotoga Kerisiano.

O Paulo fo'i sa o'o i le tulaga lea o le inosia ma sa lavea'ina e le Ali'i. Na auina atu e le Tasi na Toetū i le tele o 'a'ai o tagata fa'apaupau, sa feagai ma ni tete'e malolosi mai nisi o ta'ita'i fa'apea fo'i latou sa lagolagoina isi talitonuga. I sana tusi i le so'o o Timoteo,

O LE MISITELIO O LE TASITOLU O le fa'atuatua i le Tasitolu e fa'amoemoe lea i fa'aaliga a le Atua o ia lava o le tamāoaiga o le fa'aolataga. E leai so tatou feso'ota'iga po'o se feagai atu i le Tasitolu i fafo atu i mea ua fa'aali mai e le Atua iā i tatou i le auina mai o lona lava Alo ma aumai iā i tatou lona Agaga Pa'ia. O le

sa ia tomanatu ai i lona olaga ma lana ia lava malaga fa'amisionare, fa'apea le sauāina ona ole Tala Lelei.

O le "fa'asa'olotoina" o Peteru ma Paulo ua fa'ailoa mai ai le malaga fa'asoa a nei Apostolo e to'alua, o ē na auina atu e lesu e folafola le Tala Lelei i nu'u faigatā ma o nisi o taimi sa faia i ni si'si'omaga e lē saogalemū. Na ala i le poto masani fa'æklesia ma fa'aletagata, sa la'ua fa'asino ma ta'u maia i aso nei o le Ali'i e i ai pea ma i tatou; e savali ma i tatou; e lē tu'u lafoa'ia i tatou. Aemaise lava taimi o fa'amasinoga, e 'a'apa mai le lima o le Atua, fesoasoani mai, ma fa'asaoina i tatou mai fa'amata'u a le fili. Ae ao ona tatou toe manatuaina o lo tatou fili moni o le agasala ma le Tevolo e ta'ita'iina i tatou i le leaga. A fa'aleleia i tatou lava i le Atua aemaise i le Sakalameta o le Fa'aleleiga, ma talia le kalasia o le fa'amagaloga, ua fa'asa'olotoina i tatou mai saisaiga a le tiapolo ma sasa'a atu le mamafa o a tatou fa'aletonu. I lenei auala, ua mafai ai ona fa'auau le tatou faigamalaga o ni molimau ma tagata e folafolaina ma le fiafia le Tala Lelei, fa'ailoa mai ai o tatou na mua'i taliaina le agaalofa.


mata'itū lenei e tāua. O le fa'atuatua i le Tasitolu e 'ese mai mea masani ai o le va'ai ma le maitauina o le natura, po'o le a'oa'oina o mea ofoofogia fa'aleaganu'u, po'o mea na afua mai i ni finauga po'o ni manatunatu loloto fa'aletagata. Ua tu'uina atu atoa lava i luga o le mealofa na faia e le Atua ina ua ia

tatalaina atu i le au fa'atuatua le avanoa e iloaina ai o ia i le fa'atuatua. O le fa'aaliga ole Tasitolu na fa'ataunu'uina i le afio mai o le Atua lava ia i le tala'aga a le tagata: Auā ua fa'apea lava ona alofa mai o le Atua i le lalolagi ua ia aumai ai lona Atali'i e to'atasi, ina ia lē fano se tasi o ē fa'atuatua iā te ia (Ioane 3: 16); auā ua fa'amaligi mai le alofa o le Atua i o tatou loto e le Agaga Pa'ia ua foa'iina mai iā te i tatou (Roma 5: 5).

E lua ni itū o lenei fa'amaoniga e mana'omia le ua'i fa'apitoa. Muamua, o le malamalama ma le iloa a le 'au talitonu i le Tasitolu ua fa'amoemoe i le fa'aaliga na tupu i upu ma tala'aga o mea na tutupu o lo'o feso'ota'i i ai upu nei. O nei mea na tutupu o le Liutino Tagata o le Alo o le Atua ma lona olaga i o tatou tulaga fa'aletagata, fa'apea le auina mai o le Agaga Pa'ia i le Ekalesia i le Penetekoso. O lenei fa'aaliga o le Tasitolu e 'ese mai isi ituaiga o fa'aaliga (mo se fa'ata'ita'iga, le fa'aaliga o le Atua e mafai ona faia ni fa'aosofiaga i totonu o mafaufau o perofeta), ona o le fa'aaliga a le Tasitolu na faia i mea na tutupu na va'aia e mata o tagata. Lona lua, i nei mea na tutupu o le Atua lava ia na afio mai. E le gata o lo'o i ai le Atua i le amataga o nei mea na tutupu, ae o lo'o foa'iina mai ai fo'i o ia. O le

mea lea, i le Liutino Tagata, o le Alo o le Atua lava ia na avea ma tagata ma, ona o lona olaga ma lana taulaga i luga o le koluse, sa mauaina le fa'aolataga e ala i le alofa mo lona Tamā ma na ala i le alofa mo tagata uma. E fa'apea fo'i i le Penetekoso, o le Agaga Pa'ia lava ia ua avatu ma sau e aumau i loto o latou ua talitonu. Ae afai, e ala ile kalasia a le Agaga Pa'ia, e talia e le au fa'atuatua lesu o le Alo o le Atua, le Tamā lava ia na sau e aumau i o latou loto, e pei ona folafolaina mai e lesu: Afai e alofa mai se tasi iā te a'u, e tausia e ia la'u upu; e alofa fo'i lo'u Tamā iā te ia; e ō mai fo'i i mā'ua iā te ia, matou te nonofo ma ia (Ioane 14: 23). I mea na tutupu o le fa'aolataga, o le Atua le Tasitolu na fa'atino le "foa'i" ae o ia lava: Na auina atu e le Atua le Tamā lona Alo ma sasa'a atu lona Agaga Pa'ia. O vaega ia e lua (o le fa'aaliga a le Atua i mea na tutupu fa'atala fa'asolopito, mai ia mea na tutupu sa ia avatua moni o ia lava iā i latou na talitonu) o lo'o i le autū ma le ūte o le Fa'aaliga a le Tasitolu. O nei vaega ua fa'avaeina ai le autū o le fa'atuatua fa'aevagelia ua 'ese mai ai i isi ituaiga o malamalama'aga ma masani fa'alelotu ma talitonuga.

SAGATO ROMUALD (TA'ITA'I MONIKE 950? – 1027)



I le mae'a o ni tausaga o le ma'imau o le talavou, na va'ai Romuals i lona tamā o fasiotia le tasi o lona aiga i le finauga sa fai i se fanua. I lona mata'u na sola ai i se monaseri e lata i Ravenna i Italia. I le mae'a o le tolu tausaga, sa fa'apopoleina nisi o monike i uiga ua va'aia ua foliga o se tagata ua pa'ia tele ma na faifai lemū ona toe fa'afō'i mai o ia mai lea tulaga.

E 30 tausaga o malaga solo i Italia ma fa'avae ai monaseri ma nofoaga e nonofo ai latou fai tatalo ta'ito'atasi. Sa fa'anaunau e foa'i lona ola mo Keriso i le fa'amaletile, ma na tu'u i ai le fa'atagaga e le Pope e tala'i ai le tala lelei i Hungary. Ae na fa'afuase'ia ona ma'i i le taunu'u i lea atunu'u, ma o taimi uma e taumafai ai galuega e oso pea lava le ma'i.

I isi piriota o lona olaga, sa puapuagatia ai i le noa fa'aleagaga. Se tasi o aso ao tataloina le Salamo 31 (Ou te a'oa'o iā 'oe, ma fa'asino iā te 'oe), sa ia maua mai ai se malamalama ma le agaga e le'i toe tu'ua o ia.

O le isi monaseri sa aumau ai, sa tu'ua'ia o ia i se solitulafono mātuiā e se ali'i o le aigā tupu sa ia a'oa'ia ona o se olaga e lē lelei. O le mea e

ofo ai na talitonuina e ona uso monike lenei tu'ua'iga. Na matuā le fa'asalaina o ia, fa'asā ona toe faia ni Misasa ma na fa'aaunu'ua, o se fa'asalaga lē talafeagai sa ia onosa'ia i le filemū ma le nofo to'atasi mo le ono masina.

O le tasi o monaseri ta'uta'ua sa ia fa'avaeina Camaldoli i Tuscany. O i'inei sa fa'avae ai ma le ituaiga o le Camaldolesi Benedictine, tu'u fa'atasia ai se monaseri ma se olaga nofo to'atasi.

O lona tamā na avea ma monike mulimuli ane, ua ma'i ma vaivai ae na taofiofi lava le fa'atuatua ona o le fa'amalosi'au a lona atali'i.

SAGATO IOSEFO

O Lagona Ta'atele a le 'au Moemiti

I lana tusi Fa'apostolo o le Patris Corde, "ma le loto a le Tamā" na fa'aihoa mai e Pope Faranisisi o le tausaga lenei ua fa'apa'iaina fa'apitoa mo Sagato Iosefo. Ua toe manatuaina ai le fa'avaeina o Sagato Iosefo o se Sulufaga a le Ekalesia Aoao e Sagato Pio IX i le tausaga 1870, ma o lona sulufaga o le aso 19 Mati sa fa'amausali ma fa'amamaluina e Pio XII o lē sa iloga lona ta'uta'ua le fa'amanatuina o Sagato Iosefo le Faigaluega i le 1955 o se manatu e fa'afeagai atu i le fa'amanatuina o le aso Komunisi fa'avā o malō. Fai mai e sili fa'atusa a

Sagato Iosefo i lo se isi lava sagato i faleśā Katoliko, ma e fesili nisi pe aiseā e mana'omia ai Iosefo le toe fa'aihoa atili o ia. Ae peita'i o se lauiloa fa'aatua fa'apea ua iloa ai o ia i tulaga o se tagata e mulimulita'i e mana'omia ai ona toe fa'afou o tatou malamalama'aga i lenei sagato matagofie, o ia sa avea ma tamā ma le puipui, o se tane, tagata fealua'i, faiaiga ma se tagata sulufa'i.

O le mana'omia le fa'amamafaina o le mana'oga fa'atelosia o le taofiofia o le tulaga fa'aulugali'i a le Aiga Pa'ia sa i ai ma e malamalamaina. Ae ui i lea o se fa'amatalaga o Iosefo o se va'aiga laua'itele o Iosefo o se āta ma

se lili o se fautuaga tatau i le tulaga taupou o Maria ua foliga mai ai ua punitia ai se va'aiga malosi fa'atusi pa'ia iā Iosefo. O lona igoa ua feso'ota'i ma le faimiti ta'uta'ua a le Kenese, ma e fa'avae i le ulua'i miti mai le fa sa ia fa'atinoa i se faiga o miti e fa e fete'ena'i ma a'oa'oga maumaua'i o ana tu masani (Mataio 1: 19). E toetoe lava ona lē manatu tagata Katoliko e mafaufauna e aunoa ma lona alofa, o ana miti ma lona manatu lelei e masalomia e fetogi i ma'a Maria se'ia oti fa'atasi ma lana pepe ae le'i fanau mai (Teuteronome 22: 21) – ma e tele ona tatou le manatu i ai.

LE MATAGOFIE SA IA FEAGAI AI MA A'U, LE ALI'I, LE SILISILI'ESE

6

Ia alaga 'oe le lagi e, ia olioli oe le lalolagi e, ia leo tele outou mauga ma ia alalaga fiafia. Auā, ua fa'amafanafanaina e le Ali'i lona nu'u, ua ia alofa fo'i i ona tagata ua tigāina. A ua fai mai Siona, "Ua lafoa'iina a'e e le Ali'i. E galo 'ea i le fafine lana tama ua susu, na te lē alofa i le tama a lona lava manava? Ai lava e galo iā te ia i latou, ae lē galo lava 'oe iā te a'u. Fa'auta ua ou taia lou fa'atusa i o'u alofilima; E fa'atalise mai lau fanau o e lepetia oe, ma è na fa'atafunaina oe, latou te ō 'ese iā te oe. Fētepatepa'i ia oe i itū uma ma e va'ava'ai; o lo'o fa'apotopoto mai i latou uma, ua latou ō mai iā te oe. Ua fetalai mai le Ali'i, o lo'o ola a'u, e te 'ofu oe iā i latou uma e pei o mea e fa'amatagofie a'i ma ē fusi a'i e pei o lē a nofo tane (Isaia 49: 13 – 18).

I lana fa'afetai e leai se tuā'oi, o Maria, i lona olaga atoa na vivi'i ai le

mata'utia o le Atua, ua mafai ona iloaina lana galuega matagofie na faia iā ia ma mo ia, ma tagata uma lava. O le leai o se lotomaualalo o le a lē mafai ai e tagata uma ona lē iloaina mea uma matagofie na faia e le Atua mo ia.

Na talia e Maria le fa'aiologa sili o le alofa ma le tofiga sili ua mafai ona tu'uina atu i se tagata fa'atauvā'a. E tumu o ia i le kalasia, malosi i le fa'atuatua, ma le tinā o le Ali'i, le foaooga fou, le Eva fou, ma, e ala mai iā ia na sau ai iā i tatou le Atamu fou, Iesu Keriso. Ua le na o ia o le Eva fou, le tinā o le olaga;. Ua fa'apotopoto e le Atua ona tagata iā Maria ina ia avea ma aiga e tasi iā Iesu Keriso.

Na auala mai i se alofa loloto a Maria, o ia lava na pese i lona fiafia ma le fa'afetai i lona olaga atoa, ua a'oa'oina ai i tatou ina ia maua se

loto fa'afetai ma atia'e se va'aiga manino, ina ia mafai ai ona tatou iloaina o mealofa matagofie na foa'iina mai e le Atua iā i tatou. Ua i ai o tatou igoa uiga 'ese ua vala'auina ai tatou e le Atua Silisili'ese. Ua tatou o mai i se olaga fa'atuatua i o tatou tofiga i le pa'iaga, o se vala'aulia i le 'au'aunaga o le tasi'aga ma le filemū. O ai lava se tasi o le a mauaina ma le fa'afetai mealofa a le Atua lava ia o le a fa'apea ona mauaina se punavai i totonu o isi. Tatou te avatu le fa'atuatua ma le fa'amalō i o tatou tuā'oi, ma fa'atasi ai ma i latou o le a tatou manatuaina pea o le tasi mamana, le Agaga Pa'ia, o lo'o i ai i le li'o o tagata ina ia avea i latou ma matagofie o lona alofa ma lona atamai. O le musu e va'ai i le matagofie o le lelei na faia e le Atua iā i tatou o se agasala tele lea i le Atua, iā 'oe lava ma o tatou uso a tagata. Mai lenei uiga pogisā a tagata e lē i ai se agaga fa'afetai ua sau ai,

LE MATAGOFIE SA IA FEAGAI AI MA A'U, LE ALI'I, LE SILISILI'ESE

'alo'ese mai matafaioi ma solomuli 'ese mai ai le moni a latou e masani ona fa'apea mai 'pe ana'. E matuā 'ese tulaga e i ai pe a tatou iloaina ona pepese fa'atasi ma Maria i le fiafia ma le agaga fa'afetai; i le faia fa'apea, ua tatou maua ai le loto tele ma le olioli i le tali i le vala'au a le Atua: 'O a'u lenei le Ali'i e; vala'au mai a'u; auina atu a'u.'

O le lalolagi o lo'o si'osi'omia ai i tatou fa'apea o tatou olaga ua atili ona avea ma tagata ma fa'amanuiaina a o tatou amata ona faitauina fa'amanuiaga a le Ali'i ma fa'aso a i vi'ivi'iga o lona agalelei. O le taui o le a tatou mauaina le anoanoa'i o mea matagofie e aunoa

ma le ma'imauina o le tele o taimi i le talafa'asolopito a le tevolo.

Matou te vivi'i atu, le Tamā Mamana e,

Mo mea matagofie uma ua e faia iā Maria,

Lau 'au'auna. Ona o ana fanau, ua matou vivi'i atu ai iā

te oe ona ua avea Maria ma tinā o tagata uma,

tu'u fa'atasia lelei atoatoa iā Keriso lou Alo,

ua ia tu'uina fua maia o ia o le 'Au'auna mo tagata uma lava.

Fa'atasi ai ma Maria, ia matou pepese i mea lelei uma na e faia.

Fa'aolaola iā i matou ni manatu fa'afetai mo mea uma ua e fo'ai mo matou.

Fesoasoani mai ina ia matou iloaina fa'ailogia e tele

O le afio ai o lou Agaga, ina ia matou galulue fa'atasi

ai ma lana kalasia i le fa'afetai ma avea ai ma fa'ailogia o lou agalelei ma lou alofa mutimutivale.

O Maria e, matou te fa'afetai atu mo lou olaga ma au upu

Na a'oa'oina ai i matou ma le fa'afetai

Ma a'oa'o i matou ina ia matou mauaina o

mea matagofie na faia e le Atua mo matou

Ia i ai pea le vi'iga o lona suafa, ma ia matou sauniuni e

felagolagoma'i ma lana vala'au alofa.

Amene...fa'aauau pea...

O SAKALAMETA O TOGISALA MA LE FA'AU'UINA O LE MA'I MAI TRENT AGA'I ATU I LE VATIKANO II

7

E ui i lona tulaga o se sakalameta aloa'ia, o le fa'apa'iaina na seāseā talia e le tele o Katoliko. I nisi o nofoaga o le sauniga sa tele lona gaogaosā ma le taugatā, na lē mafai ai e tagata ona talosagaina. O nisi o le 'au fai telosia sa finau o le sakalameta e lē aogā vaganā ua fa'ataunu'uina i le taimi o le a maliu ai ma i le fa'atalitali se'ia o'o i le taimi mulimuli ona vala'au lea o le faife'au, e tele tagata ua maliliu ae le'i taunu'u le faife'au. I le tele o taimi o le sakalameta mo latou o le a maliliu ua na o latou e mafai ona totogiina ua 'au ai le faife'au i o latou taimi mulimuli.

O le Fonotaga i Trent sa manatu o tagata Katoliko i nisi o taimi sa fa'aogaina le fa'au'uina o le ma'i o se 'alofaga i le lē ola ai i se olaga lelei. O epikopo i le Fonotaga, e ui i lea, sa le talitonu i lenei manatu sesē i le mafu'aga o le sakalameta ua fa'avaivaia le mafua'aga moni o le sakalameta. E ui sa latou lē fiafia i le tele o fa'aopopoga o nisi o taimi na o mai fa'atasi ma tu masani o le totogiina o faife'au mo le fa'ataunu'uina o le sauniga, sa latou lē talitonu o le mana'otele o nisi o faife'au na sili atu i lo le taui fa'aleagaga na maua mai i le fa'ataunu'uina o le sakala-

meta. O le mea sa mana'omia, na manatu i ai latou, o se fa'amatalaga manino ma le mautinoa e pei ona faia i isi sakalameta.

Na fai mai le Fonotaga o le fa'au'uina mo e mama'i o le fa'ataunu'uina atoa lea o le sakalameta o le togisala ma le olaga atoa Kerisiano. E pei o togisala, o le sakalameta mo latou o le a maliliu o se fa'ailogia o le alofa o le Atua, ona o le fa'ae'eina ua mafai ai ona fa'amagaloina agasala a Kerisiano ma fa'amautinoa ai le fa'aolataga. Ua latou fa'ailoa mai o le fa'atinoina o le sakalameta e Keriso ua na ona ta'uā i lana auina atu o le au aposetolo e fa'au'uina ma fa'amalolō (Mareko 6: 13). Sa latou finau mai fo'i o Iesu na fa'au'uina o ositaulaga e tatau ona fa'au'uina latou e mama'i mo le fa'amagaloga o agasala ma o lenei faiga na fa'atonuina manino e lakopo, le aposetolo sa lauiloaina o le 'uso o le Ali'i.'

Na fai mai le Fonotaga:

le kalasia o le sakalameta e ave'esea ai agasala a tagata ma toega o agasala mai le agaga. O lona uiga o le fa'au'u-

O SAKALAMETA O TOGISALA MA LE FA'AU'UINA O LE MA'I MAI TRENT AGA'I ATU I LE VATIKANO II

ga mo e mama'i na te aumaia le loto tele ma le loto mafanafana i le tagata o le a otí. O nisi o taimi e aumaia le fa'amalologa i le ma'i.

latou sa a'oa'oina vaega i lalo sa fete'ena'i ma le talitonuga moni Katoliko ma na tausalaina e Epikopo:

le fa'au'uina mo e mama'i e lē o se sakalameta na fa'avaeina e Keriso;

ua na o se sauniga na fa'avaeina e le Eklesia;

e le'i avatua i ai le kalasia, fa'amagaloga o agasala po'o le fa'amafanafanaga i le ma'i;

i taimi ua tuana'i ua na o mo fa'amalologa fa'aletino;

le faiga o lo'o i ai nei e lē o le mea lea sa mafaufauina e le apostolo o lakopo.

le au toea'i'ina o lo'o ta'ua i le tusi a lakopo e lē o ni ositaulaga fa'au'uina ae o tagatā lotu a le Eklesia; ma

so'o se isi lava vaganā ai faife'au e mafai ona avea ma 'au'auna o sakalameta.

Mulimuli mai i le Fonotaga i Trent sa leai ni suiga i a'oa'oga a le Katoliko i le fa'au'uga o le ma'i ma sa leai lava nisi suiga se'ia taunu'u i le Fonotaga a le Vatikano Lua....fa'aauau peaa...

GALUEGA A LE AU APOSETOLO

7: 1 – 53 O le Lauga a Setefano

8

¹ 'Ona fa'apea mai lea o le ositaulaga sili, "E moni 'ea, ua fa'apea na mea?" ²Ona fai atu lea o ia: "Soma e, le 'au uso e, ma tama e, inā fa'afogofa mai ia. Na fa'aali le Atua e ona le mamalu i lo tatou tamā o Aperaamo, inā ō i Mesopotamia o ia, a o le'i o'o i lona nofo i Karana,³ ua na fetalai mai fo'i iā te ia, "Inā tu'ua ia lou nu'u ma lou āiga, a e alu atu i le nu'u ou te fa'asino atu ai iā te oe. ⁴Ona tu'ua lea e ia o le nu'u o Kaletaia; ua otí lona tamā, ona ia aumaia lea o ia nai le mea e nofo ai i le nu'u nei, 'ua outou nonofo ai. ⁵Ua na lē avatu fo'i iā te ia se tofi i ai, e leai lava se mea e tusa ma se tulagāvae; a ua folafola mai, na te avatua iā te ia e fai mōna fanua, atoa ma lana fanau pe a mavae atu o ia, a o leai sana fanau. ⁶Na fa'apea fo'i ona fetalai mai o le Atua, e āumau lana fanau i le nu'u 'ese; latou te fa'apologaina ma fa'asaunoa iā te i latou i tausaga e faselau. ⁷Na fa'apea mai fo'i le Atua, "Ou te fa'asala i le nu'u latou te nofo pologa ai; a mavae fo'i ia mea e ō e mai i latou ma a latou 'au'auna mai iā te a'u i lenei nu'u. ⁸Na ia tu'uina atu fo'i iā te ia le feagaiga o le peritomeina; ona fanau ai lea o lona atali'i o Isaako ua ia peritomeina ai o ia i le aso valu; o le atali'i fo'i o Isaako, o lakopo; le atali'i fo'i o lakopo e to'asefulu ma le to'alua, o tupuga ia.

⁹O le au tupuga fo'i, ina o matatau'a iā Iosefa, ua latou fa'atau atu iā te ia i Aikupito, a ua iā te ia le Atua. ¹⁰Ua na lavea'i fo'i iā te ia i ona puapuagā uma lava, ma foa'i mai iā te ia, ia alofagia ma ta'upotoina i luma o Farao le tupu o Aikupito; atoa ma lona aiga uma. ¹¹Ua o'o le oge ma le puapuagā tele i le nu'u o Aikupito uma lava atoa ma Kanana; ua lē maua fo'i ni mea e 'ai e o latou tamā. ¹²A ua fa'alogeo i le Aikupito saito, ona 'a'au atu lea e ia o tatou tamā, o le mua'i ō atu lea. ¹³O lo latou fo'i fa'alua ua fa'ailo ai Iosefa i ona uso, ua fa'aalia fo'i le aiga o Iosefa iā Farao. ¹⁴Ona fe'au atu lea e Iosefa, ua 'āami i lona tamā o lakopo, atoa ma lona 'āiga uma lava, e to'afitugafulu ma le to'alima o tagata. ¹⁵Ona alu ifo lea o lakopo i Aikupito, ua otí ai o ia, atoa ma o tatou tamā. ¹⁶Ua molia fo'i i latou i Sekema, ma ua tu'uina i le tu'ugamau na fa'atau e Aperaamo i le tau ario nai le fānau a Emoro le tamā o Sekema.

¹⁷A ua latalata le tausaga na folafolaina, sa tautō ai i le Atua iā Aperaamo, ona tutupu lea o le nu'u, ma ua fa'ato'ateleina i Aikupito. ¹⁸Ua o'o i le nofo mai o le tasi tupu, sa lē iloa e ia Iosefa. ¹⁹Ua nā togafiteagaina o tatou āiga, ma fa'asaunoa atu i o tatou tamā ia tu'ulafoa'i a latou tama meamea, ina ne'i ola i latou. ²⁰O ona po ia na fa-

GALUEGA A LE AU APOSETOLO

nau ai Mose, ua ma'eu le tino lelei; e tolu masina fo'i ua tausia ai o ia i le āiga o lona tamā;²¹ ua tu'ulafoa'iina fo'i o ia, ua ava'e e le afafine o Farao, ua na tausi fo'i iā te ia e fai mana tama.²² Na a'oa'oina fo'i Mose i le poto uma lava o Aikupito, ua malosi i ana upu ma ana mea na faia.

"Ua o'o i le fagafulu o ona tausaga, ona manatu ai loa o ia e asiasi atu i ona uso o le fanauga a Israelu.²⁴ Ua iloa atu fo'i e ia o le tasi ua agaleagaina, ua na fesoasoani i ai, ma taui atu i lona agaleagaina, ma fasi i le Aikupito.²⁵ Sa manatu o ia e lē iloa e ona uso e fa'aola le Atua iā te i latou i lona lima; a ua lē iloa e i latou.²⁶ O le taeao fo'i ua tu atu ai o ia i le to'alua o i latou o tau, ua na pupulu ai ia lelei, ua fa'apea atu, 'Soma e, o le uso oulua, se a le mea ua oulua feagaleaga a'i ai?'²⁷ A o lē na agaleaga atu i le tasi, ua na tete'e atu iā te ia, ua fa'apea mai, 'o ai 'ea na faia 'oe ma ali'i ma fa'amasinō iā te i mā'ua?²⁸ Pe ete fia fasioti 'ea iā te a'u, pei ona e fasioti i le Aikupito ananafi?²⁹ Ona sola lea o Mose i lea upu, ua āumau ai i le nu'u o Mitiana, ua fanau ai ona atali'i e to'alua.

³⁰" Ua mavae fo'i tausaga e fasefulu, ona fa'aali lea iā te ia o le agelu a le ali'i i le afi mumū i le la'au talatala i le vao o le mauga o Sinai.³¹ Ua va'aia e Mose, ona ofo ai lea i le mea ua va'aia; ua fa'alatalata atu o ia e matamata i ai, ona tulei mai lea o le si'ufogfa o le Ali'i iā te ia:³² O a'u o le Atua o ou tamā, o le Atua o Aperaamo, o le Atua fo'i o Isaako o le Atua fo'i o lakopo. Ona gatete lea o Mose, ua lē mafai ona fa'amalosi e matamata i ai.³³ Ona fetalai mai lea o le Ali'i iā te ia, 'Tatala ia ou se'evae; auā o le mea ua e tu ai o le 'ele'ele pa'ia lea.³⁴ Ua ou matuā va'ava'ai i le agaleagaina o lo'u nu'u i Aikupito, ua ou fa'alogeo fo'i i lo latou feoi, ua ou alu ifo fo'i e lavea'i iā te i latou, o lenei, sau ia, ou te 'auina atu oe i Aikupito.

³⁵ O Mose lenā sa te'ena e i latou, sa fa'apea atu, 'O ai se na faia oe ma ali'i ma fa'amasinō?' Na auina o ia e le Atua e fai ma ali'i ma fa'aola, i le lima o le agelu sa fa'aali iā te ia i le la'au talatala.³⁶ O ia lava, na ta'ita'iina atu iā te i latou, a 'ua uma ona fai vāvega ma fa'ailoga i le nu'u o Aikupito ma le sami Ulaula, atoa ma le vao i tausaga e fagafulu.³⁷ O Mose lea, sa fai atu i le fanauga a Israelu, 'E

fa'atuina e le Ali'i lo outou Atua le perofeta mo outou o so outou uso, pei o a'u nei, tou te fa'alogeo iā te ia.³⁸ O ia sa i le eklesia i le vao fa'atasi ma le agelu na fetalai mai iā te ia i le mauga o Sinai, sa fa'atasi fo'i ma o tatou tamā; ua na talia fo'i afioga o le ola e aumai ai iā te i tatou.

³⁹" Ua le loto o tatou tamā ina 'ana'ana iā te ia, a ua tete'e atu ai, ma toe fo'i atu i o latou loto i Aikupito,⁴⁰ ua fa'apea atu iā Arona, "Inā faia ia atua mo i tatou, latou te muamua atu ia i tatou; auā o lenā Mose, sa ta'ita'iina i tatou; auā nai le nu'u o Aikupito tatou te lē iloa se mea ua o'o iā te ia.⁴¹ Na faia fo'i e i latou i ia ona po le tama'i povi na latou fai fo'i le taulaga i le tupua, ua 'oli'oli fo'i i latou i galuega a o latou lava lima.⁴² Ona liliu 'ese lea o le Atua, ma tu'u atu iā te i latou e 'au'auna i 'au o le lagi; pei ona tusia i le tusi a le 'au perofeta;

Le aiga o Israelu e,
na outou aumai 'ea manu ua fasia
ma taulaga iā te a'u
i ona tausaga e fagafulu i le vao?

⁴³ Na tau'ave lava e outou le malumalu o Moloka,
ma le fetu o lo outou atua o Refana,
fa'atusa na outou faia tou te ifo i ai
le mea lea ou te avea ai outou e

nonofo i tala atu o Papelonia.⁴⁴ Sa i o tatou tamā i le vao le fale fetāfa'i sa i ai le mau, pei ona poloai mai ai o ia lē na fetalai mai iā Mose, ia faia e ia pei o le fa'atusa na va'aia e ia.⁴⁵ Na talia lea e o tatou tamā atoa ma losua, ma latou aumaia i le lau'ele'ele o nu'u 'ese, na tulia e le Atua i luma o tatou tamā e o'o i ona po o Tavita.⁴⁶ O ia na alofaina e le Atua, ua na fa'atoga atu fo'i ia maua o ia se mea e afio ai le Atua o lakopo.⁴⁷ A ua faia e Solomona le fale mo ia.⁴⁸ Ae peita'i o le Silisili'ese, e lē afio o ia i malumalu e faia e lima, pei ona fai mai le perofeta,

⁴⁹" O le lagi o lo'u nofoāli'i lea, o le laolagi fo'i o le mea e tu ai o'u vae lea; o lo'o fa'apea mai le Ali'i, po fa'apefea se fale tou te faia mo a'u?

Po o ifea se mea ou te nofo ai?

⁵⁰ E lē faia 'ea, e o'u lima nei mea?⁵¹ O outou, ē ua ma'a'a 'ua, ma 'ua lē peritomeina o loto ma taliga, ua outou tete'e atu pea lava i le Agaga Pa'ia' pei o outou tamā ua fa'apea fo'i outou.⁵² O ai se, o le au perofeta e le'i sauā i ai outou tamā? Ua fasiotia fo'i e i latou ē na

GALUEGA A LE AU APOSETOLO

mua'i tala'i i le afio, mai lē Amiontonu; o ia ua outou fa'alataina ma fasiotia nei;⁵³ o outou, ē ua maua le Tulafono i sauniga a gaelu, a 'ua lē tāofia.

Ua Talanoa atu Setefano ile Fa'apotopotoga

I le Evagelia a Luka o Iesu toetū na tautala atu i ona so'o e uiga ile fa'ataunu'uina o mea na tusia e uiga iā te ia i le Tulafono a Mose, o perofeta, ma Salāmo (Luka 24: 27, 44). O le tusi tala ua uma ona fa'ailoa mai iā i tatou pe fa'apefea i mea na tupu i le olaga o Iesu, aemaise lona maliu ma lona toetū (Luka 24: 46), fa'ataunu'uina le Tulafono a Mose (le Tora, po'o tusi muamua e lima o le Tusi Pa'ia). O le lauga a Peteru i le Galuega 3: 22 ua aumaia se tasi o fa'ata'ita'iga: o Iesu o le perofeta e pei o Mose o lē o le a "toe fa'atuina mai" e le Atua, o lo'o fa'asino i le Teuteronome 18: 15. O lenei, i le afa muamua o le tautalaga a Setefano, o se lauga aupito umi i le Galuega (pe fa'alauaina le lauga a Peteru i le Penetekoso), ua tatou fa'alogologo ai le fa'amatalaga mai le Tora ua fa'aautū iā Iesu. E aunoa ma le ta'ua aloa'ia o le igoa o Iesu le Mesia – "O le amiontonu" i le fuaiupu 52 ua latalata e pei ona sau ai – ua toe fa'amatala e Setefano tala a Aperaamo, Iosefa, ma Mose i auala na fa'asino ai ile maliu ma le toetū o Iesu ma le Ekalesia i le mae'a o le Eseta.

E pei o le tatalo a Maria ma Sakaria na patipatia ai le afuafua o Iesu ma le fanau mai o loane le Papatiso o le aga'i atu i le fa'ataunu'uina o folafolaga a le Atua iā Aperaamo, ua ta'u atu e Setefano folafolaga a le Atua iā Aperaamo o le a ia avatua se nu'u i lana fanau e ala atu i se faiga o le fa'asaoina mai le pologa "i se nu'u 'ese" (v.6) i le sa'olotoga e "au'auna mai iā te a'u i lenā nu'u" (v.7). I lenā fuaiupu mulimuli o lo'o fa'asino Luka i folafola a le Atua iā Mose e uiga i faiga taulaga i Sinai (Esoto 3: 12) ma faia lenei nofaga fa'asino iā Ierusalem. O Galuega o totoe o le a tu'uina mai se āta o se faigataulaga moni e autū i le Iesu toetū (manatua le au so'o na latou vivi'i i le Ali'i toetū i le Aso Sa o le Eseta latalata i Patania, Luka 24: 52).

10

O le fa'amatalaga pu'upu'u o le tala ia Iosefo ua fa'aoga o se fa'ata'ita'iga pe fa'apefea i le Atua ona fa'ataunu'uina le folafolaga iā Aperaamo i le fa'asaoina o lana fanau mai le ōge i se fa'aogaina o se tagata na mua'i te'ea ma na mulimuli ane na avea ma lavea'i. O le uso na latou fa'atau atu o se pologa na i'u ona avea ma palemia ma o ana polokalame o le fa'aputuina o le saito na lavea'iina ai o latou olaga.

O le faiga lea a le Atua o le galue e ala i se tasi – na - te'ea – ma – avea – ma – fa'aola ua fa'alaua'iteleina atoatoa i le tala na toe fa'amatalaina o le tala ia Mose. Ma o i'nei na filiflia lelei ai e Luka upu e fa'ailoa le ōgatasi ile va o Mose ma Iesu. O le Mose talavou sa "malosi ana upu ma gaioiga" (v. 22; va'ai Luka 24: 19 e uiga iā Iesu). E pei o Iesu, o Mose sa lē malamalamaina e ona uso. E pei ona fesiliglia Mose, "O ai 'ea na fai oe ma ali'i ma fa'amasino iā te i mā'ua?" (v. 27), na fa'apea fo'i Iesu (Luka 12: 14). Ona amata lea ona fa'aoloā manino Luka i fuiupu 35 – 36: "O Mose lenā sa te'ena e i latou....na auina o ia e le Atua e fai ma ali'i ma fa'aola...O ia lava na ta'ita'iina atu iā te i latou, faia vavega ma fa'ailoga i le nu'u o Aikupito ma le sami Ulaula, atoa ma le vao i tausaga e fagafulu." Maitau le fa'amamafaina e le Galuega o le fa'aupuga "vavega ma fa'ailoga," na ulua'i mai ai le fa'aupuga a loelu i le Galuega 2: 19, e mo mea na faia e le Atua e ala iā Iesu (Galuega 2: 22) ma mo mea na faia e le Atua e ala atu i le au apostolo (2: 43; 4: 30).

Afai e le'i mauaina e le au faitau le feso'ota'iga ma Iesu i le taimi nei, ua fa'amanino lelei mai e le tusi tala i le fa'aogaina o Teuteronome 18: 15 i le fuiupu 37 : "E fa'atuina e le ALI'I lou Atua mai iā te oe, o lou a'u uso, se perofeta mo oe e pei o a'u nei." O lenei fa'aupuga e fa'asino fo'i iā Iesu ua fa'amausali'i le lauga a Peteru (Galuega 3: 22). O lea ua feagai atu Setefano ma tu'ua'iga ua tete'e atu i le Tulafono; ioe, ua ia fa'ailoa mai i le fa'atunu'uina e le fe'au e uiga iā Iesu le una'ia malosi mai o tala e uiga i suli ma Mose. O lenei ua ta'ua e le tautalaga le tulaga tau i malumalu, o le uiga moni o lenei fesili po'o le ā le fai 'au'aunaga moni. Afai na folafola e le Atua iā Aperaamo o Israelu o le o mai e "auauna...i lenei nofoaga" (v.7), na fa'apefea i lenā folafolaga ona fa'ataunu'u? Muamua na i ai le ifo i tupua o le povi auro (vv. 39 – 41). Ona avatu lea o i latou e le Atua e ifo i atua o nu'u, e pei ona aumai o se fa'ata'ita'iga i le gagana Eleni o Amosa 5: 25, o lo'o fa'aoga e Luka i le piriota atoa o le fa'aaunu'ua i Papelonia i le sua o fa'amatalaga a Amosa o le fa'aaunu'ua i tua atu o Tamaseko i le fa'aaunu'ua i tua atu o Papelonia. O le lauga o lo'o fa'atulagaina i tua atu o molimau na fa'amausaliina

GALUEGA A LE AU APOSETOLO

mai le lagia (le tapenakulo o le toafa, o le nofoaga o le afio ai mamana) aga'i atu i le malumalu mautu na fausia e Soloma sa malamalamaina sesē e nisi i Israelu o se la'asaga aga'i atu i le ifo i tupua ma o se taumafaiga e tu'u le Atua i pusa, o le "e lē aumau i nofoaga e faia e lima o tagata," e pei ona fa'ailoa mai e fa'amatalaga mai le Isaia 66: 1 – 2.

E o'o atu i le taimi o le lauga, ua se'e mai Setefano mai tala e uiga "i o tatou tamā" (v. 39) i le uiga "outou tamā." (v. 52). O ana upu fa'ai'u iā i latou na tu'ua'ia o ia i le tautala tete'e i le Tulafono o le tu'ua'ia o i latou i le lē tausiaina o le Tulafono e latou....fa'aauau pea...

AUĒGA, MANATUA, MA LE OSITAULAGA

E le'i umi atu se taimi sa feagai ai le Ekalesia ma ni su'esu'ega e uiga i le sauāina ma le fa'aleagaina o nisi e le au ta'ita'i ma fai lotu sa avea ai Katinale John Dew ma sui o le Ekalesia Katoliko i Niu Sila nei. I le ogatotonu o tomanatunatuga i nei fa'aliga fa'aloto vaivai ma le molimau e le uma e uiga i nei sauāga i faiga leaga, ma le taumafai e natia ua matagā ma maāsiasi ai le Ekalesia, e pei ona fai mai se tasi, ua utia ai tatou i ni amioga ua lē mafai ona tu'u. Ua mou atu le mafai ona tatou faia ni auēga, ae ua fa'amalieina i tatou i le nā o le tomumu ma le fatio i le lē amiontonu ma le lē talafeagai o lenei olaga. O nei manatu e ao ona tatou mafaufau lelei i ai.

O le tāua o le Manatuaina Tatou amata mai i le manatua ona e aumai ai le fa'avae mo mea ia e mulimuli mai. Manatua, e le na o se tupu'aga fa'aletagata ae o se manatu loloto fa'atusi pa'ia. O lea ua amata mai i le tala o le foaoaga. Na avatu e le Atua iā Atamu ma Eva se fa'atonuga mai le amataga o la olaga. E sa ona 'a'ai i le fua o le la'au i totonu o le fa'ato'aga, le la'au o le malamalama i le lelei ma le leaga. Ae na vave ona galo iā i la'ua. Ua fa'asesēina e le gata e atamai e tautala na pepelo iā i la'ua o le a pei i la'ua o ni atua pe afai e lē usita'ia e la'ua le mea e tasi na fa'asāina ai la'ua e le Atua. A o fa'aauau le tala o tagata filifilia a le Atua, sa fai pea fai pea le fa'atonuina o latou ina ia manatua le au pateliaka, Apera'amo, Isa'ako, ma lakopo, o latou ia na faia ma le Atua se feagaiga. Ae sili le tāua, na talosagaina Israelu ia manatuaina mea na faia e le Atua mo latou, le fa'asaoina o latou e le Atua mai le fa'apologaina, ma lo latou folafolaga e tausisi i tu'utu'uga o le feagaiga. Ae o lo latou manatuaina na pu'upu'u e le'i umi. E foliga mai e faigofie ona mulimulita'i i ni mea fepulafi ma le i'lā (e pei o le fa'atusa o le pov'i 'auro) i o tatou luma, i lo le manatuaina o se taimi mamao ua tuana'i, e o'o lava i le fa'asaoina o tatou.

E pei ona manatuaina e le to'atele, o lenei faiga na fa'aauau mai le Feagaiga Tuai. E masani o perofeta ma le

'au fai Salamo e ōle atu ina ia fa'amanatu mea na tutupu ia Israelu ma mana'omia ona toe manatua le alofa nauā ma mea lelei mai taimi ua tuana'i. Ae itiiti lava mea e sau ai. O le tala fa'asolopito o le solia o poloa'iga e tupu pea tupu pea lava i le tala'aga a Israelu. Ua na o le Atua, e foliga mai, e manatuaina tu'utu'uga o le feagaiga! Se'ia o'o i le taimi na tatou taunu'u mai ai iā lesu o Nasareta, le tasi e manatuaina ma fa'atino le feagaiga sa lē iloaina ni tua'oi.

Mai se va'aiga a Kerisiano – ma ua tatou patipatia fa'apitoa lenei i le vaitau o le Eseta – o tatou fa'asinomaga ua saisaitia lea i le alofa ole Atua ma lana fa'aolataga, na ausia e le koluse ma le toetū o lesu Keriso. O le fe'au lenei o lo'o i le fatu o le Fa'akerisiano, ma ua fa'apitoa ona fuafuaina ai la tatou fa'asinomaga fa'aeukalisitia. "la outou faia lenei mea e fa'amanatu ai a'u" o lo'o i le fatu o ai i tatou i le silafaga a le Atua. Na folafolaina e Sagato Paulo lenei fe'au i le tele o taimi i ni upu malolosi. I le 'au Korinito, sa ia folafolaina fa'alua i le toe manatuaina o upu na faia i luga o le falaoa ma le uaina i le Tausama'aga Mulimuli, ina ua fai atu lesu i ona so'o "ia outou faia lenei mea ma fa'amanatuga iā te a'u (1 Korinto 11: 24 – 25). Manatua e tāua i le Fa'asinomaga Kerisiano.

O le Fa'atufugaga o le auēga ua leiloa Mai le manatua tatou liliu atu i le auēga. I le amataga, e tatau ona fa'amanino o le auēga e le fa'apea o lona uiga o le nofoa'iga. E lē tutusa, mai le va'aiga fa'atusi pa'ia. O le Auēga o se pese fa'anoanoa i se malii o se tasi e alofagia po'o le aiga. O se auēga, e ui i lea, o se ituaiga o Salāmo po'o se pese pa'ia (lotu) e i ai lona tulaga fuafuaina lelei ma le fa'alaua'itele uiga 'ese. O le Auēga na afua mai i se poto masani loloto i puapuagā, o tigā, ma le malii, ae o lo'o mau a'a i tu masani o le fa'atuatua ma le mafanafana e ui i nei mea ua tutupu, e le o tu'u lafoa'ia e le Atua ona tagata na filifilia.

Auēga o ni vaega manino lelei i le Tusi o Salāmo. Ae lē o ni auēga ta'ito'atasi po'o ni fa'apotopotoga, o le faiga

AUĒGA, MANATUA, MA LE OSITAULAGA

Iaua'itele e masani ona o ni fa'alavelave e a'afia ai se nu'u po'o le atunu'u. O le 'au a'oa'o ua latou fa'ailoaina nisi o auēga, ae o nisi nei o ni fa'ata'ita'iga lelei: Salāmo 3, 22, 35, 44, 51, 54, 55, 69 ma le 37. O le fa'atulaga patino o nei Salāmo e lima vaega:

le fa'ailoaina o le Atua
se faitioga
se talosaga mo se fesoasoani
se fa'amausalīina o le fa'atuatua i le Atua
se folafolaga e vi'a le Atua.

Maitauina e i ai le gaioiga i lenei fa'atulagaga. O Auēga o ni tatalo o le 'ai'oi ua talosaga atu ai mo le fa'alavelave a le Atua. Soso'o mai ai i le fa'ailoaina aloa'ia o le Atua, o le Fai Salāmo ua tatalaina i se faitio ona soso'o ai lea ma le poloa'iga mo se fesoasaoni. O vaega nei e lua o nisi o taimi e fa'apopoleina ai tagata. O lo'o tumu i ni lagona tetele ma le maualuga, ua fa'alogoina e pei o le pa'ō o ni ipu ta'ei le loloto o le īta ma e o'o lava i le taui ma sui. Ae e sasa'a mai loa e fai Salāmo lona loto i le Atua, ona mimilo lea e le Salāmo. Ua fa'afuase'ia, o le fa'aletonu ua iloaina ua sasa'a atu i le Atua o se lē mautonu ma le puapuaga ua toetoe lava ona le mafai ona tau'ave, ua aga'i atu toe fa'atonutonu. O le 'aoi e maua ai le fa'amausalīina o le fa'atuatua i le Atua ma le folafolaga e viv'i pea i le Atua po'o le a lava.

Atonu o le Salāmo auēga pito sili ona lauiloa o le Salāmo 22, e amata i le fuaiupu muamua i se tagi taufa'afefe, "Lo'u Atua e, lo'u Atua e, se a 'ea le mea ua e tu'ulafoa'i mai ai īā te a'u?" Ua molimau mai Evagelia Sinopi e lua o nei upu sa i laugutu o lesu a o tautau o ia i luga o le koluse (Mataio 27: 46; Mareko 15: 34). Atonu e va'aia e nisi lenei fa'aaliga o se tia'ia ma le leai o se fa'amoemoe, ae le malamalamaina fa'apena, aemaise i Evagelia. O lenei fuaiupu ua na o se amataga o le auēga. Na fa'ai'u i se mafanafana tele i upu na folafolaina o le fe'au mai le Atua (Ps. 22: 31). O le manatu o nei upu ua ta'u maia i lo le mafai e lesu i lona poto masani ona lagonaina le tigā ma le mafatia i lenei auala ua na o le tagi auē ona o sona lagona ua tia'ia o ia e le Atua. Ua ia tautala mai i le moni o ona puapuagā.

O le fesili la e fa'apea: Aiseā i le auēga o se fa'atufugaga? Ona e savali i se laina vāiti lava i le va o le mafatiaga atoatoa ua ta'ita'iina atu ai i le leai o se fa'amoemoe, ma atonu e o'o lava i le pule i le ola, ma o le fa'aaliga fa'amaoni lava o puapuagatia e loloto le tigā. O se auēga moni o lona uiga e mafai ona tatou talanoa mai le loto, mai le loloto o tatou tagata. E mafai ona tatou ta'u atu i le

Atua le tigā ua tatou o'o i ai, le lofituina o tatou e puapuagatia ua o'o mai īā i tatou, ma le tigā ua tatou i ai nei. Ae o le mea e lē faia e le auēga o le tomumu ma le faitio pe tu'ua'ia fo'i o nisi. O le auēga o se fa'aaliga moni o le tigā. Ua mafai ai e tatou ona aumai i fafo o tatou tigā ma le īta, e o'o lava i le Atua, fa'apea le lalolagi, ae aunoa ma le aga'i atu i le leai o se fa'amoemoe. O le isi, o le auēga moni e sau mai le vaipuna o le fa'atuatua o lo'o loloto i totonu o lē fa'atuatua. E maua ai e lē o lo'o faia le auēga le loto tele e tautala ai ma le loto tele, pe to'a lava o le mafaufau i le Atua, ae taofiofi mai le fetu'uina o le Atua.

Manatua le perofeta o Ieremia? E mafai fo'i ona alaga leaga mai, "la fa'afanoina le aso na fanau mai ai a'u. Aua le fa'amanuiaina le aso na fanauina ai a'u e lo'u tinā! Se a le mea na 'ou sau ai mai le manava e iloa ai le tigā ma le fa'anoanoa, e mavae ai fo'i o'u aso ma le mā?" (Ieremia 20: 14 & 18). O nei upu e malolosi ua fa'aalia mai ai le īta ma le popole, ae ua mafai ai e le perofeta ona fa'aali lona īta ua sopo'ia ai le tuā'oi i le lafoa'ia o le fa'amomeoe.

Ua va'aia le fa'atufugaga o le auēga i taimi o ma'i ua leai se togafitiga, aemaise se tasi o lo'o malosi ae fa'afuase'ia ma a'afia ile kanesa. O le tele o fesili o le a tula'i mai: aisea ua ou maua ai? Aisea ua sau ai i lenei taimi? O le a le mea na ou faia ua ou maua ai i lenei ma'i? O nei fesili e masani ona o mai fa'atasi ma le īta e leai se isi e fa'asaga tonu i ai, ae masani e taula'i i le Atua. Ua toe sau ai i le mafaufau le fa'ata'ita'iga a Ieremia. O le tomumu i le fa'asauaina o se perofeta, ua ia fai mai ai: "Le Al'I e, ua e fa'a'ole'ole īā te a'u, ona fa'a'oleoleina lea o a'u; Ua sili ona e malosi īā te a'u ma ua e manumalō; ua fai a'u ma mea e tapisa ai i aso uma, ua tauemu mai īā te a'u tagata uma" (Ieremia 20: 7). O lea la, o le auēga ua avea i tatou i le loloto o tatou puapuagatia. Ua mafai ai e tatou ona talanoa i le Atua, i tatalo, mai le loto. Ae o le a le a'afiaga a le manatua i nei mea?

Feso'ota'iga o le manatua ma le auēga Ua molimau mai foma'i o le mafaufau ua molimau mai i mea e tutupu i tagata pe a latou taofiofia ni fa'aletonu na tutupu īā i latou. O talavou ma tamaiti na a'afia i sauaga, aemaise, pe a masani ona tupu nei faiga i se malosi ma le sauā tele e autausagā fa'atoā fa'ailoa mai mea na tutupu īā i latou. So'o se ituaiga o taumafaiga e ufiifi pe ave'ese mai mafaufau nei faiga uiga 'ese o le a fa'amanu'alia totonu o nei tagata, ma atili ai ona faigatā ona fa'aleleia mai totonu aga'i mai i fafo. O le manatuaina o nei sauaga e mana'omia ai le fa'ailoaina 'auilili o mea na tutupu ina ia mafai ai ona tatou tagi atu ona o nei uiga matagā i le Atua

AUĒGA, MANATUA, MA LE OSITAULAGA

ma talosagaina lana fa'amatologa. O i'inā fa'atoā mafai ai ona tatou tatalo fa'amaoni, ma malaga ai i le lumana'i.

Ositaulaga i le tauiviga ma tigā o le auēga I nei aso o le manatu o tatou uma – ositaulaga, epikopo, tagatā lotu – e mana'omia le feso'ota'i ma tu masani o le auēga. E le mafai ona tatou tineia le sosaiete, laua'itele, aemaise le Eklesia, o lo'o 'au ai i ni taimi faigatā. O fa'alapotopotoga uma lava, pe o le Eklesia, le malō, 'au ta'aalo, fale faigaluega, ua le mautonu. E foliga mai e leai se isi e i ai se amiontonu. I le tulaga o se sosaiete e 'fa'atagaina mea uma ma e leai se fa'amagaloga – o se fa'aupuga mai se tasi o Katinale – ua tatou feagai ma le tele o filifiliga ole lē mautonu pe fa'apefea ona tali atu i le tele o fa'aletonu ma mea matagā i lenei lalolagi. E ui tatou te lē mafafia ona taofiofia faiga fa'aterorisi po'o ni leaga fa'anatura, e mafai ona tatou faia ni mea maumaututū i le fa'alauiloaina o le fa'amaoni, amiontonu, ma le moni a'ia'i i le Eklesia ma le lalolagi. O lo'o i ai tulaga i le tele o taimi sa fa'ate'ia ai le to'ilalo ma le fa'aletonu o ta'ita'i o le Eklesia na fa'amanu'alia ai le tino o Keriso fa'apea ona suli vaivai. Ua tatou va'aia e lē gata o amioga matagā na faia iā latou e vaivai ma laiti, ae fa'apea le afaina o Tama'ita'isā. E fa'apea fo'i ma fa'aletonu i vaega tau tupe ma taumafaiga e natia nei faiga na o'o lava iā i latou i tulaga maualuluga ma ta'ita'i.

E le na o le Eklesia ua a'afia i nei agasala, e ui o le mea ua sili ai ona inosia e le tele o tagata o ta'ita'i o le Eklesia ua vala'auina e avea ma ta'ita'i o le amiontonu. E tatau ona tatou iloaina le lelei mai le leaga. O lo'o i ai le tapasā e ta'ita'ia a tatou amioga e pei ole finagalo ma le feagaiga a le Atua. O tatou o tagata e tatau ona manatuaina mea na faia e lesu mo le lalolagi.

E le mafai ona tatou fa'amatalaina mafua'aga mo mea na tutupu, ae ao ona i ai se tali. I le toe mauaina mai o le fa'atinoga o le auēga, e mafai ona tatou toe fa'aleleia le fa'aletonu, i le igoa o le lotu, i mea na faia iā i latou na a'afia i se ituiga o sauāga. E le mafai ona saluina i lalo o le fala e tanu ai. E le mafai fo'i ona tatou lalafi. E le mafai fo'i ona tatou fa'atagāleiloaina o nisi o le au fa'au'u na fa'aleagaina lo latou fa'atuatuaga pa'ia. Ae mafai e tatou, ma e tatau, ona tagi atu i le auēga mo nei fa'aletonu.

O Le isi La'asaga Fa'apefea ona faia le auēga? E lima ni la'asaga.

Muamua, e tatau ona te'ea le fa'aosoosoga e fa'agalo fa'aletonu ua tutupu mai pe faitio le lē talafeagai le faiga ua avatu i ta'ita'i o le Eklesia. E tatau ona fa'alogo ma le onosa'i i fa'afitauli ma talosagaina i latou na a'afia ona o ni

gaioiga a ta'ita'i a le Eklesia. O le fa'alogo iā latou fa'amatalaga e masani e tigā, ae o se mea e tatau ona fai.

Lona lua e tatau ona tatou ave nei fa'amatalaga iā tatou tatalo. O sauniga o auēga po'o le vala'au mo togisala ma le fa'aleleiga, o nisi ia o auala tatou te 'a'apa atu ai i le Atua e fa'ailoa atu ai a tatou agasala ma vaivaiga, ma talosaga atu mo fa'amagaloga.

Tolu e tatau ona tatou tatalo fa'atasi ma le fai Salamo upu o le auēga ua fa'ailoa ai o le tevolo e masani ona ola pe 'a lē fa'ailoaina le fa'amaoni. E mana'omia ona tatou tagi atu fa'atasi ma Keriso mai luga o le koluse, "Lo'u Atua e, lo'u Atua e, se ā ea le mea ua e tu'ulafoa'i mai ai iā te a'u? Pe o le fa'atasi ma le fai Salamo, "Le Ali'i e, e te fa'agalogalo pea lava iā te a'u afea? E te 'alo ou fotoga iā te a'u se'ia afea. Ou te filifili a'u ma le fa'anoanoa i lo'u loto i aso uma se'ia afea" E fa'amaualugaina e sili iā te a'u lē ua ita mai iā te a'u se'ia afea? E lē afaina po'o fea o auēga e tataloina. O le mea sili le tāua o le tu'u atu i upu fa'atusi pa'ia e fa'aleoa ou lagona o lo'o i lou loto ma tagi atu ai i le Atua.

Lona Fa, e manao'mia ona su'esu'eina o tatou loto. O le a le loloto o tatou fa'atuatua? E fa'apefea ona tausi pea le va lelei pe a feagai atu i ni itū te'ete'e malolosi. O le a le malosi o lo tatou fa'atuatua, po'o, e faigofie ona fa'aosoosoina i tatou e tu'u atu o tatou tagata i le mafatia ma le leai o se fa'amoemoe. loe, e tele latou na a'afia i sauaga ua o'o i ia fa'aletonu, o nisi na o'o lava o le manana'o fa'aumatia o latou ola, ona sa le va'aia se taunu'uga lelei, leai se muta'aga o a latou puapuagatia. E leai se mea e mafai ona tatou faia e toe fa'afō'i ai fa'aletonu na tutupu iā i latou, ae e mafai ona tatou fesoasoani e fa'atumauina pea le fa'amoemoe mo latou.

Mulimuli lava, e mana'omia ona tatou fa'ailoa o tatou vaivaiga ma le loto maualalo. O le auēga o se auala ua fa'ailoa atu ai tatou te lē o pulea atoatoa o tatou olaga, ae o le auēga fo'i ua ta'ita'ia i tatou i se fa'aliga o le mafanafana i le Ali'i. E ui tatou te lē va'aia le Ali'i o fa'atasi ma i tatou, o le tagata e fa'atuatua e talitonu o lo'o ia 'au ai ma i tatou. Ona mafai lea e le fai Salamo ona tatalo: A o a'u nei, ou te fa'atuatua i lou alofa, e fiafia lo'u loto i lau fa'aolataga. Ou te pese atu i le Ali'i, auā ua agalelei mai o ia iā te a'u" (Salamo 13: 6).

E ao fo'i ona tatou maitauina i lenei faiga e le mafai ona tatou manatu māmā i o tatou vaivaiga. O le lē amana'iaina o le mafatiaga moni i tagata i aso nei pe mana'o ina ia fa'agalo vave atu le leaga, o le a lē talafeagai. O le auēga e lē o le fa'agaloina ae o le manatuaina.

O LE ASO O LE FINAGALO PA'IA

O le Aso Faraile e tuā'oi ma le Aso Tofi na fa'ai'u ai le Oketava o le Tino Pa'ia, pe a te'a le Aso Sa lua talu mai le Penetekoso, e fa'amanatu ai le aso o le Finagalo Pa'ia. O le a le uiga o le aso ma le masina o le Finagalo Pa'ia?

Ua fa'avaeina aso ia, tatou te fa'aaloalo ai iā lesu i lona Finagalo, o ia o le Tagata Atua. O lona uiga, o ia o le Alo o le Atua na ia tupu tagata, na ia maua ai se tino ma se agaga ua tutusa ai ma i tatou. O le a le uiga o le upu Finagalo Pa'ia? O le upu finagalo o lo'o uiga i mea e lua.

Ua fa'asino i le itū tino tagata o lesu ua ala mai ai le toto, ua fai ma mea e ola ai le tagata: o le fatu, e tafe mai ai le toto i itū uma o le tino, ma ua fai ma fa'ailogia va'aia o le 'Alofa.'

Ua uiga fo'i le upu Finagalo i le itū o le agaga o lesu, ua avea ma afioga o lona alofa na ia alofa ai i tagata. O le fa'aaloalo i le Finagalo o lesu, tatou te fa'aaloalo ai i lona itū tino, o lona fatu; aemaise tatou te fa'aaloalo ai i lona Alofa moni iā te i tatou na ia fa'aolaina ai i tatou. E ui fo'i o itū e lua tatou te fa'aaloalo ai iā lesu, o lenā fa'aaloalo ua taunu'u tasi iā te ia, le Tagata Atua, na ia soifua ma alofa, ma fa'ailoa ai lona alofa i le foa'i pea ni mea alofa e tele iā te i tatou.

O lea fo'i lea, na avea lenā fa'aaloalo ma se ifoga tatou te ifo ai i le Tagata Atua, lesu, le Fa'aola o le lalolagi.

Finagalo Pa'ia? O lenā sauniga ua faia pea talu mai le amataga o le Eklesia. Aua talu mai lona amataga ua fa'aaloaloina iā lesu i lona alofa i tagata uma.

O Maria le tinā o lesu na mua'i ifo i lona Finagalo Pa'ia. Fa'apea fo'i le au apostolo, aemaise Sagato Ioane le so'o pele o le Ali'i, na ia fa'ataoto lona ao i le fatafata o lesu, i le itulā o le tausamiga o le Paseka, ina o talatala lesu ma le au so'o e uiga iā luta le fa'alata.

Ia manatua le itūaso na maliu ai lesu, na tutuia i le tao lona itū, na tafe mai ai le vai ma le toto. O le ala lea o

fa'amatalaga a nisi o Matua po'o le au popoto o le Eklesia, e uiga i le fa'atū o le Eklesia, peiseai na ala mai ai i le itū fatafata o le Fa'aola. Aemaise o fa'amatalaga a Sagato Pelenato ma Sagata Ponevetula. I le XIII o seneturi, o le tasi tama'ita'i amiotonu, o Sagata Seletuta, peiseaī na tofia o ia e le Atua, na te fa'amatala le galuega a le Finagalo Pa'ia mo le fa'aolataga o agaga, ma le fa'asalalauina o le mamalu o le Atua. Ae ui i lea, ua tele augā tupulaga anamua, sa leai se aso e atofaina tonu mo le fa'aaloalo i le Finagalo Pa'ia.

Na fa'atoa salalau lenā sauniga pa'ia ile lalolagi ina ua afio mai ma fa'aalitino ai i le tasi o ana 'au'auna taupousā sa igoa iā Makalita Maria ile tausaga 1675. O lenā taupousā ua fa'aaloaloina i aso nei e le Eklesia auā ua avea ma Sagata, ua avea ma ala e fa'asalalau ai lenā sauniga i le lalolagi atoa. O le Tupu Sā o Kelemete XIII na ia fa'atuina le tasi Misasa ma le tatalo ta'uua o se ofisio ua fai e le ituaiga sā e uiga i le aso o le Finagalo Pa'ia.

O le aso 23 o Aukuso i le tausaga 1853, o le Tuplesā o Pio IX na ia fa'asalalauina le tasi tusi na fa'aofi ai lenā aso i le kalena o le Eklesia. O Leo XIII le Tuplesā na pito soso'o mai ai na ia fa'amamaluina atili lenā aso, fa'apea fo'i le auga Tuplesā, Pio X, ma Penetito XV na soso'o ma ia. O Penetito XV na fa'ai'u ai le fa'amasinoga e uiga i upu ma amioga a le Tuplesā, o Makalita Maria na fa'aofi ai o ia i le kalena o le au Pa'ia. Ua sulufa'i i ai le Eklesia i aso nei.

E ao ina tatou toe faitau ma mafaufau i folafolaga na fai e lesu ia Sagato Makalita Maria.

Kalolo Perez FKS.

Eklesia Sagato Patelesio

Waunuionomata

O LE FA'AMAMALUINA O LE SULUFAGA O LE TINO MA LE TOTO O KERISO

O le ali'i o Vincent Donovan sa avea ma misionare i Aferika, ma na galue mo tagata Maasai. O se suli mai le Fa'apotopotoga a le Agaga Pa'ia, le au Spiritans, ma na fa'au'uina i le 1952 ma malaga atu ai i Tanzania i le 1965.

O se vaega o lana misiona o le asiiasi atu lea i lea nu'u ma lea nu'u e patipatia ai le Eukalisitia. O se Tulafono sa malilie i ai ma tagata e fa'apea afai e i ai lava se to'atasi i le nu'u o lo'o fa'a'isa'isa ma se isi, e leai

se Misasa. I se tasi o nofoaga, sa lē patipatia ai le Eukalisitia mo le tolu masina ona o se finauga a se tamā ma lona atali'i, ma e le'i i ai se maliliega e faia se fa'aleleiga mo se filemū.

O LE FA'AMAMALUINA O LE SULUFAGA O LE TINO MA LE TOTO O KERISO

O le patipatia o le Tino ma le Toto o Keriso, Corpus Christi, o se patipatia o le fa'atasiga, filemū ma le alofa iā Keriso.

A tatou patipatia le Misasa, o le autū o le aumaia fa'atasi lea o tatou uma, vaega uma o tatou olaga, i le aletale a le Atua...o mafatiaga, fevaevaea'i, ma agasala, fa'apea ai ma o tatou fiafiaga ma fa'amafanafanaga. Tatou te tu'ufa'atasia vaega uma o tatou tagata i se faiga e sili ona lelei fa'atasi ma le faigataulaga a Keriso. Fa'amuamua le alofa a le Atua fa'apea le tasi i le isi i lo 'oe lava, ua tasi ai i tatou ma le Falaoa ua tofotofiina ma le Uaina na fa'amasa'aina i le manatuaina o le Ali'i.

O le ulua'i fa'amatalaga o le Tausama'aga Mulimuli na fa'atulagaina mai le 55 A.D., luasefulu tausaga pe ā i le mae'a o le maliu ma le toetū a lo tatou Ali'i, i tusitusiga a

Sagato Paulo i le muamua Korinito 11: 23 – 24 le faitauga lona lua mo le Misasa i le afiafi o le Aso Tofi Pa'ia. Sa tu'itu'i ma fa'amanatu atu pea Sagato Paulo i tagata i Korinito i lo latou lē fa'asoatua i tagata matitiva. I nā aso, o se faiga'ai e ō fa'atasi ma le Eukalisitia. Sa fa'ailoa e Sagato Paulo sa i ai se fevaevaea'i i totonu o le fa'apotopotoga, ma "Auā a 'a'ai, ua ta'ito'atasi ma mua'i fai lana lava talisuaga ua laina le tasi, ua onā le tasi" (1 Korinito 11: 21).

O le tagata mativa e ititi pe leai lava fo'i ni mea'ai e aumai mo le tausama'aga ua va'aia ai le māasiasi ma le mā. Sa fa'amanatu e Paulo I Korinito, ma o ana tusitusiga ua fa'amanatu mai ai iā i tatou o le patipatia o le Eukalisitia, ua tatou manatu ai i le Ali'i ma e mana'omia le manatuaina o le fa'apotopotoga o le Tino fo'i lea o Keriso. I le fa'asoaina o le Eukalisitia, o le lu'i mo tatou o le avea lea ma Falaoa o le ola ma le

Kalise o le Fa'aolataga mo latou na a'afia i so'o se auala lava, ia avea ma a'upega o le tu'ufa'atasia ma le filemū i o tatou aiga, falefaigaluega, ma nofoaga tatou te aumau ai. I se isi fa'aupuga, ia ola ai e pei ona ola ai lesu.

O lo'o i ai le manatu o upu e sili ona tāua o lo'o faia i Misasa o upu o le auina atu i le fa'ai'uga: Inā o ia outou ma le manua ma le filemū ale Ali'i"

E le fa'apea ua mafai ai ona tatou fa'aalamū atu i o tatou aiga, ae ona ua auina atu i tatou e le Ali'i e avea ma Falaoa o le Ola ma le Ipu o le Fa'aolataga mo le au matitiva, latou ua fa'asauāina, le au fia 'a'ai, latou e nonofo ta'ito'atasi, ma latou ua leai se Fa'amoemoe. Ma ua fa'amalosi'auina i tatou e le Ali'i ia faia lea i le Komunio Pa'ia, ma fa'apa'ia i tatou mo auala ua mafai ai ona tatou fesoasoani atu ai i isi i le tulaga ua āu i ai la latou mafai.

PHOTO GALLERY



"IT IS NOT WHAT YOU HAVE, BUT ITS WHAT YOU GIVE"

HIS HOLLINESS, POPE FRANCIS

"E GANEA MA TUPU MEA E AVEA, AE TUMAU MEA E TU'U PEA..."

O le faane'ene'etaga ma le faamanu e momoli pea i le Atua, ona o Ana meaalofa ua mafai ai ona faatino le faamanatuina, o le sefulu tausaga talu ona Nofo Tupu Iesu Keriso i le matou Aulotu. la saga momoli ai le agaga faafetai i le Ituaiga Sa, i Lana Afioga Katinale John Dew, mo le sauniga mamalu ma le matagofie, ma vaega uma o le matou faamoemoe sa faapea ona auai Lana Afioga.

O le viiga, e fo'i pea i le Alii aua e ou ma tatau, ona o Ana Auauna totofi o Lana Talalelei, i a outou afioga Patele, Faafeagaiga ma o latou Faletua;

Ta'ita'i o le Kapelanisia, Peresetene ma Iona Ofisa mamalu o le Matagaluega Katoliko Samoa Ueligitone;

E le vaea fo'i i fala o'oto, le nofo-a-tula ma le mamalu maualuga, i Ta'ita'ifono ma o latou Ofisa, o Aulotu taitasi, o Te Awakairangi ma le Puleaga; ae faapea foi i aiga ma uo ma Samoa uma sa auai, na maualuga ma matagofie ai lo matou faamoemoe.

O le upu moni, ua malie le papa i Galagala, ua malie foi i le faatologa tama i le vai o Tausala. Ua e sua le aulapa uta, sua foi le aulapa tai, ma ua maupu'epu'e ti'a. Ina ua e peia le taualuga o Manu'a ma oia le vao i Fagalele, i lau faaaloalo e ala i lou aao mafola ma lou alofa tula'i, ua mafaulu, mafaitotoga. Ua e aao i le matilafoafoa ma le titiponapona ona ua e aloa'ia le faatala u'ula atu a le Peresetene ma Iona Ofisa ma le lavaloa o lenei sulufaga, Aulotu Katoliko Samoa, Sagato Petelo ma Paulo, Te Awakairangi Hutt Valley.

E pei ona malie ma viia le saunoaga tu matila a le Tama Paia, Pope Faranisisi;

"E ganea ma tupu mea e avea, ae tumau mea e tu'u pea..."

E avea ai lenei avanoa faa-auro e tau molimoli atu ai se faafetai le lava, ona o lou agalelei ma lou agaalofa. E le toe aloalofia la le tai o Popololoa, aua o lea ua malama i ulugalu ae faaifo i faigau lau faaaloalo. Ua le tiu ma afifi faamatalaoa, ae ua gase a manuvao ae ola manu fanua. Ua maualuga ma matagofie lo matou faamoemoe 10 tausaga, ona o lo outou afifio mai...faafetai, faafetai tele lava.

O le tatalo a la matou tina, le Faletua malolo manumalo, Ita Kasiano, le Peresetene ma Iona Ofisa mamalu ma le lavaloa o lenei Aulotu; la pupuni vai-ali ae tatala vaiola ma ia talaiia faitotoa o Lona Nofoalii ae sa'a faaotiti ile utu a le Faimea. Ina ia toe faatutumu atu lou tamaoaiga ona o lau foa'i. E sili le manuia o le e foa'i nai lo le na te talia.

"the fragrance remains in the hands of the one who gives the rose"

Faafetai tele lava.

Peresetene ma le Ofisa

Aulotu Katoliko Samoa Sagato Petelo ma Paulo, Te Awakairangi Hutt Valley



PHOTO'S FROM LOWER HUTT'S 10 YEAR CELEBRATIONS



FAITAUGA MO LE MASINA O IUNI 2021

ASO SA O LE TINO MA LE TOTO PA'IA O KERISO

Faitauga 1: **Esoto 24: 3 – 8:** Matua: Fa'auta i le toto o le feagaiga ua osia e le Ali'i ma outou.

Salamo: **116: 12 – 13 (tali), 15 – 16 (tali), 17 – 18 (tali):** Tali: 'Ou te ava'e le ipu ole olataga, ma 'ou vala'au atu i le suafa o le Ali'i.

Faitauga 2: **Eperu 9: 11 – 15 :** Matua: E fa'amamāina o outou loto fuatia ifo ile loto o Keriso.

Aleluia, Aleluia....O a'u le areto ola na alu ifo mai le lagi; pe a 'ai se tasi i lenei areto, ona ola ai lea o ia e fa'avavau ... Aleluia.

Evagelia: **Mareko 14: 12 – 16, 22 – 26:** Matua: O lo'u tino lenei. O lo'u toto lenei.



Tofitofiga O le Upu: I le amataga lava o le Penetatuka ua maua ai le fa'ailogia o le tāua o le toto o se punavai o le ola. O le tala ia Kaino ma Apelu ma le feagaiga ma Noa ua aumai ai le manatu o le toto o le ola o tagata ma manu, ma o lenā talitonuga maumautū i ni auala lē mafaitaulia ma ua fa'amaumauina i fa'asologa atoa o Tulafono i le tusi a Levitiko. O latou na tu'ufa'atasia Faitauga ua ofoina maia mo i tatou faitauga o lenei ta'amilosaga mo le Sulufaga o le Tino ma le Toto o Keriso ua fa'a'autū i le toto o le faigataulaga. Atonu e 'ese fo'i mo le to'atele ona e masani ona tatou mafaufauina le Eukalisitia o le Tausama'aga a le Ali'i ma e masani tatou te va'i taula'i i le vaega taumea'ai ma e masani tatou te tu'ufa'atasia ma le tele o fa'ata'oto i faiga'ai o fa'aipoipoiga ma le fafagaina o le afe o tagata i le vaomatua, ae o le elemene o le faigataulaga i le toto e lē fa'afuase'ia; o lo'o manino lelei le feso'ota'i e pei o le Tausama'aga Mulimuli ma Kalevalio. O le fa'amasa'aina ole toto i le faigataulaga ua mamalu ai le tu'u fa'atasia o latou na ulufale atu i le feagaiga, ma le toto o Keriso o le faitaulaga ma ua tu'u fa'atasia ai le Atua i le Feagaiga Fou ma le Fa'avavau.

Ina ua lūlū atu e Mose le toto o le faigataulaga i tagata mai le faitauga mai le Esoto, na fa'amautū ai le Feagaiga na faia e le Atua ma latou. Ae o le toto o le faigataulaga a le Feagaiga Fou e 'ese e pei o

na fai mai ai lē na tusia le Tusi a Eperu, ona o se taulaga ua atoatoa lona lelei, ma o se faigataulaga e fa'atasi ona tupu, ma o se faigataulaga ua le gata e fa'amamāina ai olaga i fafo atu o tagata e lē na o latou ua ofoina ai lenei faigataulaga ae ua fa'amagalo ai fo'i a latou agasala. O le natura moni lea o le faigataulaga a Keriso – o le mana moni o le toto o Keriso ua 'ese lava. O se feagaiga e fa'avavau, aga'i atu i le tofi e fa'avau. O le Evagelia a Mareko ua faitauina i le asō ua fa'amamafaina mai le toto o le feagaiga, na fa'amaligiina mo le to'atele.

O le 'au ai i le Eukalisitia ua lē na o le mea'ai ma le mea inu, ua fa'asoia i le laulau a le Ali'i, ae ua patipatia i le faigataulaga, le toto o lē na fa'asauaina e fa'aola: Tago ia outou uma ma feinu i ai, o le ipu lenei o lo'u toto, o le toto o le feagaiga fou ma le fa'avavau o le a foai'iina mo outou ma le to'atele, mo le fa'amagaloina o agasala.' Aemaise o taimi nei, o latou e masani ona fa'asoia i le Eukalisitia ua lē mafai ona talia mai le kalise, ae o se sa'iliga o le tāua o le taulaga o le Toto o Keriso i tu masani o le a fesoasoani e fa'aloloto ai le talisapaia o le natura atoa o le Eukalisitia ma vaega uma fa'afaigataulaga ua aofia ai, ma fa'aloloto ai le malamalamā'aga o le uiga e patipatia ai le Sulufaga o le Tino ma le Toto o Keriso.

18

ASO 13 IUNI ASO SA 11 TAUSAGA MASANI

Faitauga 1: **Esekiel 17: 22 – 24:** Matua: Ua 'ou fa'amaualugaina le la'au maulalo.. .

Salamo: **92: 1 – 2 (tali), 12 – 13 (tali), 14 – 15 (tali):** Tali: Le Ali'i e, e lelei ona viv'i atu iā te oe.

Faitauga 2: **2 Korinito 5: 6 – 10:** Matua: Pe matou te nonofo i le tino, pe matou te lē nonofo ai, ua matou loto malolosi ina ia fiafia mai o ia iā te i matou.

Aleluia, Aleluia...Ua liu tino tagata le Upu, sa mau fo'i o ia ma i tatou. O i latou uma e na talia o ia, na la avatu i a'o lea manua, ia avea i latou ma fanau a le Atua ...Aleluia.

Evagelia: **Mareko 4: 26 – 34:** Matua: E itiiti le fua o le sinapi i fua uma; pe a totōina fo'i e avea ma la'au tele.



Tofitofiga O le Upu: O le faitauga mai iā Esekiel ma le Evagelia e feso'ota'i i le fa'atusa o manu felelei o lo'o malolō i le fa'apa'ologa o se la'au tele. O le faitauga mai iā Esekiel o lo'o i ai se vaega e lē fa'alogoina e le to'atele o le au faitau – o se vaega o se tala 'ese o ni āeto se lua ma o lo'o fa'atastu i le mata'utia o vaega'au o fitafita ma vaega o upufai fa'alemalō o tua'oi e lua a Israaelu ma le taumafai a Israaelu e fa'atutumau lona tuto'atasi. O le a'oa'oga fa'atelosia o lo'o aumai o le Atua lava e fuafuaina le tulaga o atunu'u, e le o le taupulepule fa'apolokiki e fa'avae i le malosi ma le mata'utia.

O le mea e so'ota'i ai i le tele o fa'ata'oto e pei ona aumai e le Evagelia o le asō o nei āta fa'afa'atoaga o lo'o fa'amamafaina mai ai le tulaga o gaioiga ma le fa'apogai i le gaosiga o le seleselega o le Atua lava, ma o lea e i ai le fa'ai'uga e lē ma'alofia – o le fa'agaso-

ga atoa e maua mai ai fua. O le tulaga o tagata o ni vaega e tatau – ua latou selesele i taualumaga o le seleselega. O le a'oa'oga o le a sau i le taimi a le Atua ma fuafuaga a le Atua, ma e mana'omia le fa'atuatua ma le talitonuga a latou ua tali atu.

Atonu o lo'o fa'atausua'i mai, ae e maitauina a tautala mai Mareko iā lesu o lo'o tautala mai i fa'ata'oto, ua ta'u maia 'sa ia fa'amatala atu mea uma i ona so'o i tua' – e faia lenei e ui i taimi fai so'o i le Evagelia a Mareko e otegia le au so'o ona o le lē malamalamā'aga ma le vaivai o le fa'atuatua. Ae e tele ona fa'aoga e Mareko upu a lesu e talanoa atu ai i lana lava ia nu'u ma fa'amalosi'au iā i latou e fa'aalu se taimi mo tatalo ma mafaufau ai i upu a le Ali'i, ina ia latou malamalamā'aga ai i ana a'oa'oga e uiga i le malō: o se lesona ua talafeagai mo latou uma ua fa'alogi i nei upu i le asō.

FAITAUGA MO LE MASINA O IUNI 2021

ASO 20 IUNI—ASO SA 12 TAUSAGA MASANI

Faitauga 1: lopu 38: 1, 8 – 11: Matua: O i'inei e pa'ū mai ai ou galu fa'amaualuluga.

Salamo: 107: 23 – 24 (tali), 25 – 26 (tali), 28 – 29 (tali), 30 – 31 (tali): Tali: Vivi'i atu ia outou i le Ali'i auā e fa'avavau lava lona alofa.

Faitauga 2: 2 Korinto 5: 14 – 17: Matua: Fa'auta, ua o'o mai le ola fou.

Aleluia, Aleluia...O au afioga o le agaga ia, o le ola fo'i ia; o iā te oe upu o le ola fa'avavau ... Aleluia.

Evagelia: Mareko 4: 35 – 41: Matua: Po o ai lava lenei, ina ua usiusita'i lava le matagi ma le vai iā te ia.



Tofitofiga O le Upu: E ao ona maitauina i le latalata i le fa'a'iuga o le Tusi Pa'ia, o le tusi o Fa'aaliga, a va'aia le lagī ma le lalolagi fou, ua ta'ua mai iā i tatou 'ua leai fo'i se toe sami' (Fa'aaliga 22: 1). O le tele o taimi i le Tusi Pa'ia – e pei o le faitauga o le asō mai iā lopu – o le sami ua va'aia o se ulua'i fa'ailogā o le ulua'i vevesi ma o le amataga. O le fa'atusatusaga ile va o le au so'o i le va'a ma lesu na fa'amamafaina mai. O nei ali'i, o le to'atele e ola ai i va'a i le sami, ma ua latou maitauina le tulaga mata'utia o lo'o latou i ai, ma i le ogatotonu o le agi o le matagi ma le afā ma le popole a le au so'o, o lo'o moe lesu ' o lona ulu i luga o le aluga'. Ina ua ala mai ma i nai upu, na taofia ai le matagi, ma na toe malū mea uma, ona liliu atu

lea o lesu i le au so'o, ma, e pei ona masani ai Mareko, a'oa'i i latou ona o le leai o so latou fa'atuatua. Ae na o'o lava i lenei fa'aaliga uiga'ese o le pule e le'i mauaina e le au so'o mea o lo'o va'ai i ai: O ai lenei tagata? Na o'o lava i le matagi ma le sami na usita'i iā te ia? O le tali ua mautinoa lelei lava, o lo'o aumai i le faitauga mai iā lopu: "E te o'o mai i'inei, a e te lē sopo'ia o i'inei fo'i e pau mai ai ou galu fa'amaualuluga" (lopu 38: 11).

O le faitauga pu'upu'u mai iā Sagato Paulo ua ofoina maia se fa'amatalaga i isi faitauga: mo latou o foafoaga fou iā Keriso e lē o matagi malolosi o lenei foafoaga e fa'amata'u, ae o le alofa o Keriso e lē lofituina i tatou.

ASO 27 IUNI—ASO SA 13 TAUSAGA MASANI

Faitauga 1: Poto 1: 13 – 15; 2: 23 – 25: Matua: O le matau'a o le ti'āpolo ua ulu ai le oti i le lalolagi.

Salamo: 30: 1 – 3 (tali), 4 – 5 (tali), 10 – 12 (tali): Tali: Le Ali'i e, 'ou te vivi'i atu iā te oe; auā u le fa'aeaina a'u.

Faitauga 2: 2 Korinto 8: 7 – 9, 13 – 15: Matua: la fesoasoani lo outou tamāoiga i lo latou mativa.

Aleluia, Aleluia....O au afioga o le agaga ia, o le ola fo'i ia; o iā te oe upu o le ola fa'avavau ... Aleluia.

Evagelia: Mareko 5: 21 – 43: Matua: Funa e, 'ou te fai atu iā te oe, ia e tula'i.



Tofitofiga O le Upu: A o'o ona oti se tagata, se tasi tatou te iloaaina lelei lava, se isi e masani ona tatou fa'asoa i le tele o mea, e masani ona i ai se lagona lē talitonu; se manatu o lenā tagata o le a lē toe va'aia e lē talitonuina. O se lagona loloto o lo'o tineia ua amata ona sau. O se natura e masani ona tautalagia i nisi o auala i le Tusitusiga Pa'ia o le Feagaiga Tuai. O le faitauga mai le Evagelia a Mareko mo tatou i le asō, o se āta manino o le fa'asa'oga o lenā lagona i le tulaga o wavega ua ave'eseina ai le masalosalo e uiga i le pule a lesu o le Ali'i o le ola. O tala i wavega ia e lua ua feso'ota'i i'inei – o le fafine ma le ma'i o le puna toto ma le afafine o lairo – ua tu'ui fa'atasia ma le mautinoa e Mareko. O nei mataupu e lua – le tasi o se teneitiiti e valu ona tausaga ma le fafine matua o lē sa tauave le ma'i mo le sefululua tausaga, ua leai se togafiti – o le fafine matua sa feagai ma lenei ma'i i tausaga e fia ma sa togafitia mo le tele o tausaga ma le tele o foma'i ae na fa'asolosolo lava ona vaivai. O le teneitiiti na ma'i tigaina tele ma ua maliu, o lairo na

talosagaina le fesoasoani a lesu. Ae o le vaega tāua o nei vaega e lua e mana'omia le fa'atuatua: "Afai ou te pa'i atu lava o ona ofu, ona ou Mālōlō ai lea". Ma na mālōlōina o ia: 'ua e ola i lou fa'atuatua.' A o aga'i atu lesu i le fale, na taunu'u mai le fe'au ua oti le tamaitiiti: 'Aua e te mata'u, tau lava ina e fa'atuatua.' Ae ui i lea ua tā'u mai ina ua toe fa'aola le tamaitiiti, o latou sa i ai le fale ma lesu – o ona so'o e to'atolu ma matua ole tamaitiiti – ua segia i le maofa. Na fa'apea fo'i ina ua fa'amaloloina le fafine matua, sa le mautonu ma na tuai ona fa'ailoa i le laua'itele se'ia lu'iina e lesu. E le o fa'apea mai Mareko o nei wavega tetele na suia ai uiga masani o latou na a'afia, ma atonu o le fa'atuatua o se elemene tāua mo le Ali'i e galue ai, ae lē tineia atoa ai le lē mautonu ma le masalosalo o se vaega o le olaga faitino o le tagata. O latou uma ua potopoto mo le Eukalisitia i lenei aso Sa ua faia lea ona o tagata o le fa'atuatua, ma e to'atele i latou o le a fa'ailoaaina le lē agava'a i lenā fa'atuatua – ma o le Evagelia o le asō o le a lē faitioina i latou ona o lenā.



FAITAUGA MO LE ASO SA MUAMUA O AUKUSO 2021

ASO SA 18 TAUSAGA MASANI

Aso 18 Tausaga Masani: Faitauga 1: Esoto 16: 2–4, 12—15.

Matua: Ou te fa'atotōina ifo le mea e 'ai mai le lagi ma outou

Salamo: 78: 3—4(tali), 23 –24(tali), 25, 54 (tali).

Tali: Na avatua e le Ali'i iā te I latou o mea e a'l mai le lagi

Faitauga lona lua: Efeso 4: 17, 20—24

Matua: la 'o'ofu outou I le tagata fou ua faia e foliga i le Atua

Aleluia, Aleluia...O a'u nei o le ala, ma le upu moni, male ola, a lē alu atu lava se tasi I le Tamā, pe a lē ui mai iā te a'u..**Aleluia.**

Evagelia: Ioane 6: 24—35. **Matua:** O lē sau iā te a'u, e lē fia 'ai lava ia; o lē fa'atuatua fo'l iā te a'u, e lē toe fia inu lava ia.

FA'ASOLOGA O MISASA SAMOA MO IUNI 2021

20

Aso Sa Muamua			
6 luni 2021	08:30 am	Holy Trinity—Seatoun	Patele Tuli
	11:00 am	Titahi Bay	Patele Tuli
Aso Sa Lua			
13 luni 2021	11.30am	Naenae	Patele Tuli
	12:00 md	Taita	Patele Maleko
Aso Sa Tolu			
20 luni 2021	11:00 am	Newtown	Patele Tuli
	11:00 am	Porirua	Patele Andrew
	11:00 am	Te Wairua -Tapu - Wainuiomata	Leai se Misasa
Aso Sa Fa			
27 luni 2021	11:00 am	Lower Hutt	Patele Tuli
	11:30 am	Stokes Valley	Patele Maleko

KALENA MO IUNI 2021

11 luni

6:00pm Fonotaga
Kapelania @
Catholoic Centre

14 luni

6:00pm Fonotaga
A'oga Aso Sa @
Catholoic Centre



Mikaele Teofilo:



m.teofilo@wn.catholic.org.nz



021 0818 5037



+64 4 496 1707



PO Box 1937, Wellington 6140, New Zealand